



HOLY  
BIBLE

Wat is

# Waarheid?

Danie Nell



# WAT IS WAARHEID?

*Ons lees in Joh. 18:37,38 van die gesprek  
tussen Pilatus en Jesus.*

*Daar staan geskrywe:*

*“Pilatus sê toe vir Hom: Is U dan tog ‘n koning? Jesus  
antwoord: U sê dat Ek ‘n koning is. Hiervoor is Ek gebore  
en hiervoor het Ek in die wêreld gekom, om vir die  
waarheid te getuig. Elkeen wat uit die waarheid is, luister  
na My stem.*

*Pilatus sê vir Hom:*

*WAT IS WAARHEID.....?”*

*Ongelukkig het Pilatus nie vir ‘n antwoord gewag nie.  
Om te dink dat Pilatus gestaan het voor die Weg, die  
Waarheid en die Lewe (Joh. 14:6) maar nie Jesus  
aanvaar het nie!*

*Mag jy die waarhede in hierdie boekie aanvaar en mag  
dit jou leefwyse word volgens God se Woord*

**Danie Nell**  
**Posbus 1282, Jeffreysbaai 6330**  
**dnell@inetcom.co.za**

# **INHOUD**

<i>As ek versoek word, wat dan ?</i>	<b>4</b>
<i>Gebed en Voorbidding</i>	<b>11</b>
<i>Die krag van ons Woorde</i>	<b>18</b>
<i>Die krag van saamstem</i>	<b>22</b>
<i>Die gee van Tiendes</i>	<b>26</b>
<i>Wedergeboorte</i>	<b>30</b>
<i>Geloof</i>	<b>36</b>
<i>Goddelike Genesing</i>	<b>40</b>
<i>Die Koninkryk van God</i>	<b>43</b>
<i>Handoplegging</i>	<b>58</b>
<i>Heiligmaking</i>	<b>62</b>
<i>Saai en Maai</i>	<b>70</b>
<i>“As ‘n mens sterwe, sal hy weer lewe?”</i>	<b>78</b>
<i>Die Uitverkiesing</i>	<b>92</b>

# **AS EK VERSOEK WORD, WAT DAN ?**

*Hoe baie welnemende Christene het net nie al hierdie vraag gevra nie.*

Baie is onder die indruk dat die duiwel jou adres verloor het wanneer jy jou lewe aan Christus gee! O nee, hoe nader jy aan die Here leef, hoe meer sal jy vind dat die duiwel sy pyle op jou sal afskiet. Gelukkig het ons die volle wapenrusting van God ontvang om te oorwin teen die duiwel

**Ef. 6:10-17:** “EINDELIK, my broeders, word kragtig in die Here en in die krag van sy sterkte. Trek die volle wapenrusting van God aan, sodat julle staande kan bly teen die liste van die duiwel. Want ons worstelstryd is nie teen vlees en bloed nie, maar teen die owerhede, teen die magte, teen die wêreldheersers van die duisternis van hierdie eeu, teen die bose geeste in die lug. Daarom, neem die volle wapenrusting van God op, sodat julle weerstand kan bied in die dag van onheil en, nadat julle alles volbring het, staande kan bly. Staan dan vas, julle lendene met waarheid omgord, met die borswapen van die geregtigheid aan, en as skoene aan julle voete die bereidheid vir die evangelie van vrede. Behalwe dit alles neem die skild van die geloof op waarmee julle al die vurige pyle van die Bose sal kan uitblus. En neem aan die helm van verlossing en die swaard van Gees – dit is die woord van God – “.

**Ons lees in Luk. 4:1-13 van die versoeking van Jesus.**

En as die duiwel kans gesien het om Jesus te versoek, sal hy kans sien ook vir jou.

“Daarom wie meen dat hy staan, moet oppas dat hy nie val nie”. **(1 Kor. 10:12)**

## **Gelukkig kan ons die duiwel teëstaan.**

**1 Pet. 5:7,8:** “Werp al julle bekommernisse op Hom, want Hy sorg vir julle. Wees nugter en waaksam, want julle teëstander, die duiwel, loop rond soos ‘n brullende leeu en soek wie hy kan verslind.” **(vers 9)** “Hom moet julle teëstaan, standvastig in die geloof...”

**Jak. 4:7** “Onderwerp julle dan aan God; weerstaan die duiwel, en hy sal van julle wegvlug.”

## **Kom ons kyk in watter tyd was Jesus versoek**

Dit was net nadat Jesus gedoop was en die Gees op Hom neergedaal het in die Jordaanrivier. Is dit nie ook ons ondervinding nie? Die oomblik nadat ons aan God gehoorsaam word kom die Versoeker met sy aanvalle! Die duiwel is ‘n gewisse vyand, maar as kind van God behoort ek en jy nie onbekend te wees met sy planne nie.

**Paulus sê in 2 Kor. 2:11:** “want ons is met sy planne nie onbekend nie.”

## **DAAR IS DRIE TIPE VERSOEKINGS.**

**Luk. 4:13:** “En toe die duiwel **elke versoeking** geëindig het, het hy ‘n tyd lank van Hom gewyk.”

Die duiwel het drie soorte versoekings gebruik teen Jesus en toe ‘n tyd lank van Hom gewyk. Hierdie woorde “‘n tyd lank” vertel aan ons dat die duiwel nie geheel en al pad gegee het om nooit weer met sy versoekings te kom nie.

## **Die duiwel versoek gewoonlik ten eerste die swakste plek in my lewe.**

Vir Jesus was dit toe Hy honger geword het.

**Luk.2:2-4:** “Jesus was veertig dae lank deur die duiwel versoek is; en Hy het niks geëet in diè dae nie; en toe hulle verby was, het Hy naderhand honger geword. Toe sê die duiwel vir Hom: As U die Seun van God is, sê vir hierdie klip dat dit brood moet word. Maar Jesus antwoord en sê vir hom: Daar is geskrywe: Die mens sal nie van brood alleen lewe nie, maar van elke woord van God.”

Jesus was na 40 dae honger daarom kom die duiwel met die versoeking dat Jesus van die klippe brood moes maak.

Normaalweg sou dit 'n groot wonder gewees het. Maar indien Jesus in opdrag van die duiwel hierdie wonder gedoen het, sou Hy voor die duiwel gebuig het.

Om vleeslike drange te hê is geen sonde nie, maar indien hierdie drange op die verkeerde manier bevredig word, kan dit sondig wees!

Ons dink hier aan Esau.

Dit was nie vir hom verkeerd om honger te word vir lensiesop nie, maar om sy geboortereg te verkoop om dit te verkry, was verkeerd.

### **Die duiwel versoek ook deur dit wat ons sien.**

**Luk. 4:5-8:** “Toe bring die duiwel Hom op 'n hoë berg en wys Hom al die koninkryke van die wêreld in 'n oomblik se tyd. En die duiwel sê vir Hom: Ek sal U al hierdie mag gee en hulle heerlijkheid, want dit is aan my oorgegee, en ek gee dit aan wie ek wil. As U my dan aanbid, sal alles aan U behoort. En Jesus antwoord en sê vir hom: Gaan weg agter My, Satan, want daar is geskrywe: Die Here jou God moet jy aanbid en Hom alleen dien.”

Jesus word versoek deur dit wat Hy gesien het.

Om te sien is geen sonde nie, maar om te begeer wat ons sien, as dit nie God se wil vir ons is nie.

## **In verse 9-12 gebruik die duiwel God se woord om Jesus te versoek.**

Moenie dink die duiwel ken nie die Bybel nie! Leer egter die les by Jesus om die duiwel te oorwin deur te kan sê: “Daar is ook geskrywe”

Ken dus God se Woord, in jou hart, sodat jy die duiwel kan antwoord deur God se Woord teen hom te gebruik.

### **In 1 Joh. 2:16 gee Johannes ‘n opsomming oor hoe versoeking tot die mens kom.**

“Want alles wat in die wêreld is...die begeerlikheid van die vlees (onthou Jesus was versoek toe Hy honger was) en die begeerlikheid van die oë (kyk wat het die duiwel vir Jesus gewys) en die grootsheid van die lewe ... is nie uit die Vader nie, maar is uit die wêreld”.

### **DIE VRAAG IS NOU: “HOE KAN EK OORWIN OOR VERSOEKING?”**

**Ten eerste: Maak seker die Heilige Gees is in jou hart.**

**Kyk weer mooi na Luk. 4:1:** “En Jesus het vol van die Heilige Gees teruggekeer van die Jordaan af, en is deur die Gees in die woestyn gelei.”

(vers 14) “en Jesus het in die krag van die Gees na Galilea teruggekeer, en daar het ‘n gerug aangaande Hom deur die hele omtrek uitgegaan;”

Jesus se krag was daarin dat Hy vol was van die Heilige Gees. As Hy dit nodig gehad het van van jy en ek?

**Geen wonder dat Paulus dit soos volg aan ons stel:** “Maar ek sê: Wandel deur die Gees, dan sal julle nooit die begeerlikheid van die vlees volbring nie” **Gal. 5:16**

**Ten tweede: Maak seker dat jy jouself bevind op die plek waar God se Gees jou gelei het. God se wil kan soms ook die “woestyn” wees!**

Jesus was deur die Gees gelei en Hy vind Homself in die woestyn. (Lukas 4 v.1)

Waar jy jousef ook mag bevind, moet jy altyd seker maak dat die Heilige Gees jou gelei het, anders sal jy in groot moeilikheid kom.

Iemand het die in Engels eendag soos volg gestel:

“ When you are out of God’s will, you are in total darkness”

**Ten derde: Ken God se Woord sodat jy dit kan gebruik teen die duiwel.** Sorg dat jy genoeg Bybelverse ken wat jy kan gebruik.

**Ten vierde: Moenie net hier voor jou vaskyk nie, maar plaas jou oë op ‘n doel verder as dit.**

Dink hier aan Moses. “Deur die geloof het Moses, toe hy grootgeword het, geweier om die seun van Farao se dogter genoem te word, omdat hy verkies het om liever sleg behandel te word saam met die volk van God as om ‘n tyd lank die genot van die sonde te hê, .....en die smaad van Christus groter rykdom geag het as die skatte van Egipte, want hy het uitgesien na die beloning.” **Heb. 11:24-26**

Dink ook aan Josef. Al moes hy wegvlug van Potifar se vrou en selfs onskuldig in die tronk beland, het hy nie God se beplanning in sy lewe vergeet nie. **Gen. 39:40**

Kry ‘n vèr gesig van die heerlijkheid wat wag!

**Een ding moet ons duidelik verstaan, en dit is:** Ek het nog nie gesondig as ek net versoek was nie.

As versoeking sonde was, dan het Jesus gesondig. Hy was egter versoek net soos enige van ons maar het nie toegegee aan die versoeking nie en het dus toe nie gesondig nie.

**Heb.4:15:** “Want ons het nie ‘n hoëpriester wat nie met ons swakhede medelye kan hê nie, maar een wat in alle opsigte versoek was net soos ons, maar sonder sonde” Hierrdie laaste drie woorde vertel ons dat Jesus nie gesondig het nie.



Die ou mense het altyd gesê: “Jy kan nie help as ‘n kraai oor jou kop vlieg nie, maar jy kan help dat hy nie in jou hare nes maak nie”.

God versoek geen mens nie, en Hy sal ook nie toelaat dat ons bo ons kragte versoek word nie.

**1 Kor, 10:13:** “Geen versoeking het julle aangegryp behalwe ‘n menslike nie; maar God is getrou, wat nie sal toelaat dat julle bo julle kragte versoek word nie; maar Hy sal saam met die versoeking ook die uitkoms gee, sodat julle dit sal kan verdra”.

**Ons vraag: “En as ek versoek word, wat dan?” Word baie duidelik beantwoord deur Jakobus in sy eerste hoofstuk.**

**Lees met aandag Jak. 1:2-4:** “Ag dit louter vreugde, my broeders, wanneer julle in allerhande versoekinge val, omdat julle weet dat die beproewing van julle geloof leidsaamheid bewerk. Maar die leidsaamheid moet tot volle verwerkliking kom, sodat julle volmaak en sonder gebrek kan wees en in niks kort kom nie.”

**Verder sê Jak. 1:12-15:** “Salig is die man wat versoeking verdra, want as hy die toets deurstaan het, sal hy die kroon van die lewe ontvang wat die Here beloof het aan die wat Hom liefhet. Laat niemand, as hy in versoeking kom, sê: Ek word deur God versoek nie. Want God kan deur die kwaad nie versoek word nie, en self versoek Hy niemand nie. Maar elkeen word versoek as hy deur sy eie begeerlikheid weggesleep en verlok word. Daarna, as die begeerlikheid ontvang het, baar dit sonde; en as die sonde tot volle ontwikkeling gekom het, bring dit die dood voort.”

**Hieruit leer ons die volgende lesse:**

- Daar wag ‘n kroon vir elke oorwinnaar oor versoeking! (v.12).
- God versoek niemand nie (v.13).
- Versoeking probeer jou wegsleep of weglok.

As jy dus nie bereid is om weggesleep of weggelok te word nie, het jy nog nie gesondig nie. (v. 14,15)

Agan het eers gesondig toe hy begeer en geneem het ...

**Jos.7:20,21:** “Toe het Agan Josua geantwoord en gesê: Waarlik, ek het gesondig teen die HERE, die God van Israel, en so en so het ek gedoen. Ek het naamlik een mooi mantel uit Sinear by die buitgoed gesien en twee honderd sikkels silwer en een goud staaf van vyftig sikkels in gewig, en ek het dit begeer en dit geneem; en kyk, daar lê dit begrawe in die grond binne-in my tent en die silwer daaronder.”

**Nou verstaan ons Jak. 1:15 beter wat sê:** “Daarna, as die begeerlikheid ontvang het, baar dit sonde; en as die sonde tot volle ontwikkeling gekom het, bring dit die dood voort”.

#### **Ander tekse oor versoeking:**

**Matt.26:41:** “Waak en bid, dat julle nie in versoeking kom nie. Die gees is wel gewillig, maar die vlees is swak.”

**Luk. 22:40:** “En toe Hy op die plek kom, sê Hy vir hulle: Bid dat julle nie in versoeking kom nie.”

**Gal. 6:1:** “broeders, as iemand ewenwel deur een of ander misdaad oorval word, moet julle wat geestelik is, so een reg help met die gees van sagmoedigheid, terwyl jy op jouself let, dat jy ook nie versoek word nie.”

**2 Pet. 2:9:** “die Here weet om die godsaliges uit versoeking te verlos en die onregverdiges te bewaar...”

# GEBED en VOORBIDDING

Dank God vir die krag van gebed  
Bybelse voorbeelde vertel ons wat alles deur gebed bereik is.  
Die Rooi See is gekloof  
Leeus se bekke is gesluit  
Hiskia se lewe word met 15 jaar verleng  
Elia bid vuur uit die hemel asook reën (Hy het wel een maal  
gebid vir die vuur maar 7 maal vir die reën)

‘n Mens kan dus meer as een maal vir ‘n saak kan bid - Selfs  
Jesus het twee keer gebid vir ‘n blinde man in Mark. 8:22-26

## ONS GEBEDE IS VIR GOD KOSBAAR.

**Open. 5:8** “En toe Hy die boek neem, val die vier lewende  
wesens en die 24 ouderlinge voor die Lam neer, elkeen met  
sitters en goue skale vol reukwerk, wat die gebede van die  
heiliges is.”

**Dawid roep ook uit in Ps. 141:2;** “Laat my gebed soos  
reukwerk voor U aangesig staan, die opheffing van my hande  
soos die aandoffer”.

## In Ex.30 lees ons van die reukoffer-altaar.

Dit was van Akasia hout en vierkantig. Die lengte was een el,  
asook die breedte. Die hoogte twee el. Dit was met suiwer  
goud oorgetrek, en het twee goue ringe aan die kante gehad vir  
die draaghoute waarmee die reukofferaltaar gedra is.  
(‘n “el” is die lengte vanaf jou elmboog tot by jou langste vinger)

- **Waar het dit gestaan?** Reg voor die voorhangsel. Die  
reukwerk het dus ingetrek in die voorhangsel en ‘n lifelike  
geur versprei.

- **Kyk wat moes die hoëpriester hier gedoen het: Ex. 30:7,8;** “En Aäron moet daarop (op die reukofferaltaar) reukwerk van speserye aan die brand steek; **elke môre** as hy die lampe regmaak, moet hy dit aan die brand steek. En as Aäron **teen die aand** die lampe opsteek, moet hy dit aan die brand steek as ‘n **voortdurende reukwerk** voor die aangesig van die Here in julle geslagte”.

## **VRAAG: HOE LYK JOU “REUKOFFER-ALTAAR” ?**

Geen wonder dat die Woord vir ons sê:

**1 Thes. 5:17 “*Bid sonder ophou*” Lukas 18:1**

Gebed is ‘n geprek met God! Daarom is dit ‘n dialoog en nie ‘n monoloog nie. Ek praat met God, maar luister dan weer dat Hy met my praat. Hy praat met my in my hart deur Sy Gees en deur Sy Woord.

## **Waarvoor kan ons bid?**

### **1. Vir die redding van siele**

**Rom. 10:1** “Broeders, die verlange van my hart en die gebed wat ek tot God vir Israel doen, is tot hulle redding”.

### **God wil alle mense red!**

**1 Tim. 2:3,4** “*Want dit is goed en aangenaam voor God, ons Verlosser, wat wil hê dat alle mense gered word en tot kennis van die waarheid kom.*”

### **2. Vir ons leiers**

**1 Tim. 2:1,2** sê: “In die eerste plek (let op!) vermaan ek dan dat smeking, gebede, voorbedes, danksegginge gedoen moet word vir alle mense; vir konings en almal wat hooggeplaas is, sodat ons ‘n rustige en stil lewe kan lei in alle godsvrug en waardigheid”.

Baie regerings is in ‘n swak toestand omdat daar nie vir hulle ernstig gebid word deur God se kinders nie.



### 3. Vir herlewing

**Ps. 85:7** “Sal U ons nie weer lewend maak, sodat U volk in U bly kan wees nie”

Voor die Wallis-herlewing in 1903/1904 het Evan Roberts vir 15 maande aanhoudend daarvoor gebid! Gedurende die eerste vyf weke van hierdie herlewing het 25 000 siele tot bekering gekom.

Kom ons bid vir 'n magtige herlewing !

### 4. Vir genesing

Liggaamlik, soos Hiskia in **2 Kon. 20**

Geestelike genesing vir die volk

**2 Kron. 7:14** “En (as) My volk, oor wie My naam uitgeroep is, hulle verootmoedig en bid en My aangesig soek en hulle bekeer van hulle verkeerde weë, dan sal Ek uit die hemel hoor en hulle sonde vergewe en hulle land genees”.

### 5. Ons kan bid vir die geboorte van ons kinders

Hanna het vir Samuel gebid! **1 Sam. 1:27**.

Sagaria (die priester) het vir Johannes die dooper gebid!

**Luk. 1:13**

Hy het geskrik vir die engel wat aan die regterkant van die **reukofferaltaar** gestaan het.” “Maar die engel sê vir hom: Moenie vrees nie, Sagaria, want jou gebed is verhoor, en jou vrou Elisabet sal vir jou 'n seun baar, en jy moet hom Johannes noem”.

### 6. Ons kan bid vir uitredding in nood

Dink aan Josafat (vermom) waar hy saam met Agab, sy swaer, geveg het. **2 Kron. 18:31**. (Die geveg was teen die Aramiërs).

Dr. Paul Y Cho, die pastoor van die grootste kerk op aarde in Seoul, sê dat hulle kerk in 'n krisis was in 1969 tot 1973.

Hulle het gebou aan hul 10 000 sitplek-kerk en 'n blok woonstelle. Die Amerikaanse dollar het geval en die olie boikot was aan die gang. Lidmate het hul werk verloor - bangkrotskyap het hulle in die gesig gestaar!

Die duiwel het vir hom gesê om homself om die lewe te bring deur van die woonstelblok af te spring! Toe gaan bid hy in die bedompige kelder by hul gebedsberg - die gemeente het saam gevas en gebid. God het 'n magtige uitkoms gegee! **Die hemel is nou oop bo Korea - duisende mense word gered.**

## **BAIE KEER WORD ONS GEVRA:** **WAT IS 'N VOORBIDDER?**

'n Voorbidder is iemand wat tussen God en mens staan in gebed. 'n Voorbidder is dus 'n voorspraak; iemand wat intree; wat bid vir ander. Christene behoort voorbidders te wees. Lees **1 Tim. 2:1-8** met aandag.

### **1. Dit is wat Jesus is**

**Joh. 17:20; Rom. 8:34; Heb. 7:25; 9:24;**  
**1 Tim. 2:5** "Want daar is een God en een Middelaar tussen God en die mense, die mens Christus Jesus"  
(Lees ook **1 Joh. 2:1**)

Sò het Jesus voorbidding vir Petrus gedoen:  
**Luk. 22:31,32:** "En die Here sê: Simon, Simon, kyk die Satan het vurig begeer om julle soos koring te sif. Maar Ek het vir jou gebed, dat jou geloof nie ophou nie; en as jy eendag bekeer is, moet jy jou broeders versterk."  
Jesus het vir Petrus gebed **voordat** hy soos koring gesif is. Ons moenie wag totdat iets iemand tref nie; ons moet intree by God en dit keer.

## 2. 'n Voorbidder kan God se oordele stuit

i) Abraham bid vir Sodom (**Gen. 18:20-32**)

ii) **Num. 16:1-50:**

Korag, Datan en Abiram trek op teen Moses! (verse 27 tot 33)

Die volk is kwaad vir Moses hieroor (verse 41 tot 48)  
14700 sterf

## 3. 'n Voorbidder soek nie sy eie belang nie

Luister na dit wat u bid, en u sal weet of u 'n ware voorbidder is

**Lees Ex. 32: 9-14** Dan sal jy uitvind hoe Moses dit waag om tussen God en Israel te staan en te pleit vir hulle lewens, terwyl hul verdien het om uitgeroei te word

**Num. 12: 1-15** Mirjam tree op teen Moses omdat hy, volgens haar, 'n verkeerde vrou getrou het. Sy word melaats, maar Moses word die voorbidder wat haar lewe spaar deurdat hy bid in vers 13 *“En Moses het die Here aangeroep en gesê: o God, maak haar tog gesond.”*

'n Ware voorbidder is iemand wat kan vergewe - as u in elk geval berge wil verskuif sal u moet kan vergewe -

**Mark. 11:23-26.**

## 4. 'n Voorbidder se lot word verander wanneer hy vir ander intree

**Job. 42:10** “En die Here het die lot van Job verander toe hy vir sy vriende gebid het.”

**Toe Job vir ander intree by God:** het God sy besittings vermeerder; het sy familie vir hom geld gebring (vers 11); was hy geseënd en het hy lank gelewe! (verse 12,16 & 17).

**5. 'n Voorbidder maak 'n nederlaag 'n oorwinning**  
**Hiskia en Sanherib - 2 Kon. 18 & 19**

In Hiskia se veertiende jaar van regering, verower Sanherib (die koning van Assirië) vir Juda.

Hy neem die silwer en goud vanuit die temple.

(hy sny selfs die goud van die deure en kosyne).

Sy manne daag Israel in die Joodse taal uit en verkleineer God.

Hiskia skeur sy klere en neem Sanherib se brief na die tempel en plaas dit voor God. **(2 Kon. 19:1-19)**

Kyk wat doen God! **(2 Kon. 19:35-37)**

**'n Tweede voorbeeld: Hand. 12**

Omdat die gemeente in Handeling 12 voorbidding gedoen het, het 3 dinge gebeur:

1. Petrus is bevry (ons mense het bevryding nodig)
2. God se oordele tref Herodus Agrippa I (vers 21-23)  
Wurms verteer hom!
3. Die woord van God het gegroei en toegeneem. (vers 24)

**DAAR IS GEWELDIGE KRAG IN SAAMSTEM IN GEBED**

In hierdie boekie het ons 'n gedeelte oor die krag van saamstem. Lees dit met aandag om hierdie waarheid beter te kan verstaan.

Maak gerus 'n studie van **Matt. 18:19** waar Jesus gesê het:  
***“Weer sê Ek vir julle: As twee van julle saamstem op die aarde oor enige saak wat hulle mag vra, dit sal hulle ten deel val van my Vader wat in die hemele is.”***



## **DIE HEILIGE GEES HELP ONS OM TE BID.**

**Rom. 8:26** “En net so kom ook die Gees ons swakhede te hulp, want ons weet nie reg wat ons moet bid nie, maar die Gees self tree vir ons in met onuitspreeklike sugtinge.”

**v. 27** “En Hy wat die harte deursoek, weet wat die bedoeling van die Gees is, omdat Hy ooreenkomstig die wil van God vir die heiliges intree.”

Dit is duidelik dat ons met die verstand kan bid, maar ook met die Gees.

**1 Kor. 14:14,15.** As ek in die gees bid, dan bid ek verborgenhede tot God en niemand verstaan dit nie, behalwe God. **1 Kor. 14:2.**

# **DIE KRAG van ons WOORDE**

Daar is baie krag in ons woorde. Positief of negatief

**Spr. 13:3** *“Wie sy mond bewaak, bewaar sy lewe; wie sy mond nie kan hou nie gaan sy ondergang te gemoed.”*

**Spr. 15:1** *“’n Sagte antwoord keer die grimmigheid af (laat die woede bedaar) maar ‘n krenkende woord (‘n woord wat seer maak) laat die toorn opkom.”*

**Spr. 16:24** *“Vriendelike woorde is soos ‘n heuningkoek: soet vir die siel en ‘n genesing vir die gebeente.”*

**Spr. 17:27** *“Wie sy woorde inhou, besit kennis; en hy wat kalm is van gees, is ‘n man van verstand.”*

**‘n Treffende teks bly Spr. 18:21:**

*“Dood en lewe is in die mag van die tong; en elkeen wat dit graag gebruik, sal die vrug daarvan eet.”*

**Lees ook Jak.3:2-9 dan sal jy sien die geweldige krag wat die tong besit**

## **ONS PRAAT VERKEERD!**

"Ek is bevrees, so en so gaan gebeur"

Hoekom gebruik ons die woord "vrees" so baie ?

"Hoe gaan dit met JOU siekte?"

Ons praat of ons die siekte besit.

"Dit is mos 'n familiekwaal - want die Here besoek 'n mens mos aan die 3de en 4de geslag".

In Ex.20:5 lees ons hiervan, maar let op die woorde

***“van die wat My haat”***

Indien jy nie die Here haat nie, kan dit mos nie op jou van toepassing wees nie.

"Ek voel die griep kom aan"

Moenie siekte na jou of jou huis "roep" nie.

"Ag, ek is maar swak."

Hoe kan jy ooit dit sê terwyl Sy krag in ons swakheid volbring word?

## **DANK DIE HERE DAAR IS OOK POSETIEWE KRAG IN ONS WOORDE, EN DAAROM KAN ONS SELFS DIE DUIWEL OORWIN DEUR ONS TONG**

**Op. 12:11** "En hulle het hom oorwin deur die bloed van die Lam en deur DIE WOORD VAN HULLE GETUIENIS."

Luister na Dawid se gesprek met Goliat. **1 Sam. 17:45-47**  
In vers 26 spreek Dawid vir Goliat soos volg aan: "Jou onbesnedene" met ander woorde "Goliat, jy het geen verbond met God nie - maar neem kennis, ek wel." Dawid het Goliat oorwin nog voordat die klip sy voorhoof binnegedring het.

Dink ook wat met die Griekse vrou gebeur het in **Mark. 7:28,29**  
**(Haar dogter was gebind deur 'n onreine gees !)**

"En sy antwoord en sê vir Hom; Ja, Here, maar die hondjies eet darem onder die tafel van die kinders se krummels, en Hy sê vir haar, terwille van **HIERDIE WOORDE** kan jy gaan; die duiwel het uit jou dogter uitgevaar."

### **IN JOU MOND HET JY SKEPPINGSKRAG**

**2 Kor.4:13**; "En omdat ons *dieselfde Gees van die geloof het* - soos geskrywe is; Ek het geglo, daarom het ek gespreek - glo ons ook, daarom spreek ons ook."

**Geloof is in ons mond en moet uitgespreek word.**

**Rom. 10:8-10** "*Naby jou is die woord, in jou mond en in jou hart. Dit is die woord van die geloof wat ons verkondig: As jy met jou mond die Here Jesus bely en met jou hart glo dat God Hom uit die dode opgewek het, sal jy gered word; want met die hart glo ons tot geregtigheid en met die mond bely ons tot redding.*"

**Ek het altyd oorwinning oor my seuns gespreek het toe hul tieners was. Selfs in die nag wanneer hulle geslaap het. Ek doen dit nog steeds oor my vrou.**

**Mark. 11:23,24** Volgens hierdie skrif kan ons probleme verskuif

## **ONTHOU DIE VOLGENDE WANNEER JY MET JOU "BERG" VAN PROBLEME PRAAT:**

1. Maak seker dat jy vanuit 'n posisie van gesag praat!  
Moenie voel jou "berg" is te groot vir jou nie.  
Onthou: By God is alle dinge moontlik.
2. Maak seker dat jy die regte woorde gebruik teen  
"jou berg."

## **HOE SAL JY PRAAT MET DIE VOLGENDE BERGE?**

### **Finansële berg ?**

*OMDAT EK VOLOP SAAI SAL EK VOLOP MAAI ! **2 Kor.9:6**  
EK GLO DIE BELOFTE IN **Mal.3:10***

### **Siekte ?**

*DEUR SY WONDE IS EK GENEES ! **1 Pet.2:24***

*ONTHOU: GOD HET ALTYD DIE LAASTE WOORD OOR JOU LEWE*

*Daar was 'n blinde man vir wie gebid was in dienste.*

*Daarna het hy teenoor almal bely dat hy genees is deur die wonde van Jesus. Terwyl hy in 'n haarkapper salon sit vra die haarkapper hom uit oor die gebed wat vir hom gedoen is en wat die gevolg daarvan was. Weer het hy getuig: "En deur Sy wonde is ek genees"  
Die volgende oomblik sien hy homself in die spieël van die haarkapper, spring uit die stoel en hardloop daaruit terwyl hy juigend uitroep:  
"Ek kan sien, ek kan sien !"*

### **Jou Gesin ?**

*'n Volgende teks kan ons gebruik indien daar 'n aanval teen ons gesin kom is: **Jes.54:17** "ELKE WAPEN WAT TEEN JOU GESMEE WORD, SAL NIKS UITRIG NIE; EN ELKE TONG WAT TEEN JOU OPSTAAN IN DIE GEREG, SAL JY WEERLê."*

### **Is die aanvalle van die duiwel in jou DENKE ?**

**Bely dan die volgende:**



**1 Joh. 4:4** *Hy wat in my is, is groter as hy wat in die wêreld is !*

**2 Kor.5:17** *Omdat ek in Christus is, is ek 'n nuwe skepsel !*

**2 Tim.1:7** *God het aan my nie 'n gees van vreesagtigheid gegee nie, maar van krag, liefde en selfbeheersing. !*

**Rom.8:1** *Ek het geen veroordeling nie omdat ek in Christus Jesus is !*

**Gebruik die Woord van God elke keer as jy met jou probleme praat. Jesus het die duiwel ook oorwin deur God se Woord tydens Sy versoeking in die wildernis. Ons lees daarvan in Matt. 4.**

**ONS HET 'N AANRAKING OP ONS LIPPE NODIG, SOOS WAT JESAJA ONDERVIND HET TOE DIE HERE HOM VIR DIE TWEDE KEER GEROEP HET AS PROFEET !!!!**

**JES. 6:6,7** *God het 'n engel gestuur met 'n gloeiende kool en Jesaja se mond daarmee aangeraak en sodoende sy skuld weggeneem !*

# DIE KRAG VAN SAAMSTEM

Lees met aandag **Matt. 18:15-20** en neem kennis van al die waarhede in hierdie verse. Wanneer jy by **verse 19** kom dan staan die volgende treffende woorde van Jesus soos volg uit:

*“Weer sê Ek vir julle: As twee van julle saamstem op die aarde oor enige saak wat hulle mag vra, dit sal hulle ten deel val van my Vader wat in die hemele is.”*

## **In ander vetalings lees hierdie skrif soos volg:**

**King James** *“Again I say unto you, that if two of you shall agree on earth as **touching** anything that they shall ask, it shall be done for them of My Father which is in heaven.”*

**Amplified** *“Again I tell you, if two of you on earth agree (harmonize together, together make a symphony) about – anything and everything – whatever they shall ask, it will come to pass and be done for them by My Father in heaven”*

Die woord “agree” kom van die Griekse woord “sumphoneo”  
En dit meen “to be together in harmony”

Dink maar hier aan ‘n orkes. Wanneer ‘n orkes saam in harmonie kom, hoor ‘n mens die mooiste klanke en vind ‘n mens ‘n melodie.

**The Message** *“When two of you get together on anything at all on earth and make a prayer of it, my Father in heaven goes into action.”*

**AS TWEE SAAMSTEM IS DAAR 100% KRAG BESKIKBAAR.**  
**(Wat sal gebeur as vier en meer sou saamstem?)**

## **Saamstem was beslis die eerste Kerk se krag**

**Hand.2:1** *“En toe die dag van die Pinstertees aangebreek het, was hulle almal **eendragtig** bymekaar.....**vers 4**..... en hulle is almal vervul met die Heilige Gees en het begin spreek in ander tale, soos die Gees aan hulle gegee het om uit te spreek.”*

**Hand.4:24** *“En toe hulle dit hoor, het hulle **eendragtig** die stem tot God verhef en gesê: Here, U is die God wat hemel en aarde en die see en alles wat daarin is, gemaak het.....**(die resultaat van saamstem in gebed vind ons in vers 31)** En toe hulle gebid het, is die plek geskud waar hulle saam was, en hulle is almal vervul met die Heilige Gees en het die woord van God met vrymoedigheid gespreek.”*

## **Die krag van saamstem word regdeur die Bybel bevestig**

**Pred.4:9-12 (Salomo)** *“Twee is beter as een....want as hulle val, kan die een sy maat optel,.....en as iemand die een aanval, kan altwee hom teestand bied.”*

- GEEN WONDER DAT JESUS SY DISSIPELS TWEE-TWEE UITGESTUUR HET NIE (Luk.10:1)
- Markus 3:25 vertel ons dat 'n huis wat verdeeld is sal nie bly staan nie
- Toe Daniël die droom van Nebukadneser bekend moes maak, het hy sy drie vriende gaan vra om saam met hom te stem in gebed. (Dan.2:16,17)

MOENIE ALLEEN WORSTEL MET 'N PROBLEEM NIE.  
SOEK IEMAND OM SAAM TE STEM IN GEBED.

**Persoonlike Getuienisse van my en my vrou t.o.v.**  
**Matt. 18:19**

- Ek het hierdie teks “ontdek” in 1974 toe ek as Sendeling ‘n kerk vir die kleurlinge moes bou in Heidelberg, Kaap.
  - Op daardie stadium was hulle maar net 62 lidmate
  - Die gemeente het toe bestaan vir 18 jaar met ‘n inkomste van R20 p.m.
  - Die pastoor van die gemeente en myself het saamgestem dat die gemeente se inkomste sal verhoog na R1000 in die volgende maand sodat ons kon begin bou.
  - Die volgende maand het ons R1200 gebank en in die eerste vier maande was die totale inkomste R5400
  - Die kerk is uiteindelik gebou vir R14000 met ‘n verband van R6000. Die totale waarde van die kerk was beraam op R35000
  
- Terwyl ek evangelis was in die Noord Vrystaat moes ek tentdienste gaan hou op Bethlehem in Januarie 1975.

Die Vrydagaand na diens het ‘n suster na my gekom en gevra dat ek vir haar vader sal bid wat die volgende oggend ‘n geneesheer moes gaan sien in New Castle aangesien hy kanker in sy een oog gehad het.

Ons het daar in die tent volgens Matt. 18:19 saamgestem vir sy genesing.

Die volgende dag om 12h00 het sy juigend by die pastorie opgedaag en aan my en haar pastoor kom vertel dat toe haar vader by die dokter opgedaag het, het die hom gesond verklaar, aangesien daar geen teken van kanker was nie ! Loof die Here vir die krag van saamstem.

- Kan ek jou vertel van ons R1.77 motor ?  
In dieselfde maand, naamlik Januarie 1975, het ons as gesin besef dat ons kombi my persoonlik baie gehelp het

as evangelis om al my toerusting by dorpe kon bring wat ek nodig gehad het vir my tentveldtogte. Maar aan die anderkant het my vrou 'n motor nodig gehad in Kroonstad vir haar en die vier seuns. Dit is vir kerk, skool en veel meer.

Volgens Matt. 18:19 het ons as man en vrou een oggend saamgestem en die Here gevra om vir ons nog daardie dag te onderneem omdat ek weer die middag moes reis na 'n veldtog.

Dieselfde oggend het vriende uit Johannesburg gebel en gevra of ons nie 'n tweede voertuig nodig het in ons bediening nie. Hulle was bereid om aan ons R40 per maand te gee vir 'n paaiement.

Ek is dadelik na die plaaslike Volkswagen handelaar om uit te vind dat hulle ouditeur se tweedehandse motor naamlik 'n "fastback" net die regte motor vir ons was.

Daar was geen deposito nodig nie en die paaiement per maand was R41.77. Natuurlik het ek dadelik die dokumente geteken met die versoek dat die motor nog dieselfde dag afgelaai moes word by my huis nie later as 14h00 nie. Dit was ook net wat gebeur het.

Vandag praat ons van ons "R1.77 motor" omdat ons hierdie bedrag per maand moes bysit om die paaiement te kon betaal.

Later het ons hierdie motor gegee vir 'n swart prediker. In totaal het ons twee motors "gesaai" en tot op datum "vyf" motors "gemaai"

**'n Mens maai mos altyd meer as wat jy saai !**

# DIE GEE VAN TIENDES

Tiendes – gee? Wat beteken dit? Tiende is een tiende van my inkomste, of anders gestel beteken dit om aan die Here een rand uit elke tien rand te gee.

Tiende is God se wyse om daartoe by te dra dat u 'n betekenisvolle bydra tot Se koninkryk op aarde sal maak.

## Waarvandaan kom die gee van tiende?

Baie sê dat die gee van tiende onder die wet is, en dat dit dus nie nodig is vir die kind van God om 'n tiende van sy/haar inkomste aan God se werk te gee nie.

## Maar wat sê die Bybel?

Abraham het tiende gegee aan Melgisedek wat 'n priester van God was.

Gen. 14:18-20. En dit moet onthou word dat dit plaasgevind het 700 jaar voordat die wet gekom het. God het dit in Abraham se hart gelê om tiende van alles te gee. Heb.7:1-4.

Jakob het ook tiende aan God gegee nadat God met hom ontmoet het by Bet-el. Dit was meer as 400 jaar voor die wet. Gen. 28:20-22.

Selfs Jesus verwys na tiendes in die Nuwe Testament in Matt. 23:23.

As ek die tiende nie gee nie, beroof ek die Here!

Israel was hieraan skuldig.

Ons lees die volgende in **Mal. 3:8-10**: “Mag 'n mens God beroof? Want julle beroof my en julle sê: Waarin het ons u beroof? In die tiendes en die offergawe. Met die vloek is julle belaa, en tog beroof julle my, julle, die hele nasie! Bring die hele tiende na die skathuis, sodat daar spys in my huis kan wees; en beproef my tog hierin, sê die Here van die leërskaer, of Ek vir julle nie die vensters van die hemel sal oopmaak en op julle 'n oorvloedige seën sal uitstort nie”.



Die teenoorgestelde is dus ook waar. As ek my tiende gee beloop die Here dat Hy 'n oorfloedige seën oor my sal uitstort.

Ek wens dat ek my persoonlike getuienisse met jou kon deel oor die gee van tiendes. Iemand het dit eenmaal soos volg gestel: "You can never outgive God"

**Leer om in God se werk te saai en u sal die seën van maai ook ontdek. Kyk gerus weer met nuwe aandag na 2 Kor.9:6-11.**

Watter magtige deurbraak op finansiële gebied sal net nie in die Kerk plaasvind as mense hul agterstallige tiendes sal bring na God se huis nie.

Ons sal "hope" tiendes sien soos wat ons lees in **2 Kron. 31:6-8.**

**Jy kan nie die Here se tiende terughou met argumente soos:**

1. "Ek wil gee, maar ek het te veel skuld".  
Moontlik ja, maar jy is in die skuld by God nog lank voor jy in skuld was by jou medemens. Hoe kan jy nou neem wat aan God behoort en gebruik om ander daarmee te betaal?
2. "Die Kerk vra net altyd geld".  
Dit is nie die Kerk wat dit vra nie, maar dit is God wat dit eis.  
**Mal. 2:10:** "Bring die hele tiende na die skathuis, sodat daar spys in my huis kan wees; en beproef My tog hierin sê die HERE van die leërskaare of Ek vir julle nie die vensters van die hemel sal oopmaak en op julle 'n oorfloedige seën sal uitstort nie".  
Indien die kerk haar stem laat hoor i.v.m. die gee van tiendes dan is sy maar net besig om die volle woord te verkondig.

3. Miskien is jou argument: “Daar word nie reg gewerk met die tiendes nie”. Hoe weet jy dat daar nie reg gewerk word met die geld in die Kerk nie? Kan jy bewys wat jy beweer? Indien jy dit wel kan bewys is dit jou plig om met die geestelike leiers van die betrokke gemeente hieroor te praat. ‘n Lid van ‘n gemeente het die volste reg om ‘n finansiële staat van die gemeente te besigtig.

Doen jy egter net wat God van jou verwag en hou sodoende jou saak met God reg.

In **Matt. 17:24-27**, lees ons dat Jesus Tempelbelasting betaal het.

Jesus het die Skrifgeleerdes en Fariseërs geken en geweet dat hulle die mense bedrieg met hulle skyn van godsdienst, maar ten spyte daarvan het Hy gedoen wat van Hom verwag was deur die tempelbelasting te betaal.

4. “Ek werk hard vir my geld”.

Wie gee jou die krag en gesondheid om dit te kan doen?

Is dit nie die Here nie? **Deut.8:18** stel dit duidelik “Maar dink aan die Here jou God, dat dit Hy is wat jou krag gee om rykdom te verwerwe ...

### **‘n Eerlike vraag: Waarvoor word die tiendes gebruik?**

**Mal. 3:10:** “Sodat daar spys in My huis kan wees ...” Hierdie “spys” verwys daarna dat dit goed sal gaan in alle opsigte met God se gemeente. Jy wil tog immers sien dat daar nie ‘n tekort is in die bedehuis nie, en dat die sang en aanbidding sal wees tot eer van die Here. Daarby verlang jy dat daar altyd ‘n prediker sal wees wat jou die nodige “spys” uit God se woord sal gee.

Volgens die bybel was die tiendes gebring om die Leviëte en Priesters te onderhou in hul diens aan die Here. **(Num.18.)** Die argument dat die herder van ‘n gemeente geen vergoeding mag ontvang nie, het dus geen waarde nie.

Paulus stel dit duidelik in **1 Kor. 9:13,14**: “Weet julle nie dat die wat met die heilige dinge werk, uit die heiligdom eet nie, en dat die wat by die altaar besig is , met die altaar deel nie? So het die Here ook vir die wat die evangelie verkondig, bepaal dat hulle van die evangelie moet lewe”. Geen wonder dat Nehemia ontsteld was toe hy uitgevind het dat die Leviëte nie meer hul tiendes gekry het nie.**(Neh. 12:10-12.)**

Tiendes moet hoofsaaklik gaan om hulle wat voltyds in diens van die Here is te onderhou.

### **‘n Oproep tot elke kind van die Here!**

“Betaal aan die keiser wat die keiser toekom, en aan God wat God toekom”. **Mark. 12:17.**

### **Wanneer jy aan God gee, gee altyd met blymoedigheid.**

**2 Kor. 9:7** *“Laat elkeen gee soos hy hom in sy hart voorneem, nie met droefheid of uit dwang nie, want God het ‘n blymoedige gewer life.”*

**Deut.16:17** *“ooreenkomstig die seën van die Here jou God wat Hy vir jou gegee het.”*

**Ex. 25:2** *“Sê aan die kinders van Israel dat hulle aan My ‘n offergawe moet bring; van elkeen wie se hart hom aandrywe, moet julle My offergawe bring.”*

# WEDERGEBOORTE

## 1. Wat is wedergeboorte?

Die woord “wedergeboorte” beskrywe dit self. Dit is m.a.w. ‘n “tweede geboorte”. Een geboorte is nodig om op aarde te mag lewe, en die tweede geboorte is nodig om in God se koninkryk in te gaan.

Wedergeboorte is dus ‘n daad van God waarvolgens ‘n mens ‘n goddelike natuur ontvang

**2 Pet. 1:4** “waardeer Hy ons die grootste en kosbare beloftes geskenk het, sodat julle daardeur deelgenote kan word van die goddelike natuur, nadat julle die verdorwenheid ontvlug het wat deur begeerlikheid in die wêreld is.”

Dit beteken ook om ‘n nuwe “hart” te ontvang. **Eseg. 36:26 en 27** “En ek sal julle ‘n nuwe hart gee en ‘n nuwe gees in jul binneste gee; en Ek sal die hart van klip uit julle vlees wegneem en julle ‘n hart van vlees gee. En Ek sal my Gees in jul binneste gee en sal maak dat julle in my insettinge wandel en my verordeninge onderhou en doen.”

**Kom ons kyk nou mooi na Joh. 3:1-10:** “En daar was ‘n man uit die Farrisieërs met die naam van Nikodemus, ‘n owerste van die Jode. Hy het in die nag na Jesus gekom en vir Hom gesê: Rabbi, ons weet dat U ‘n leraar is wat van God gekom het, want niemand kan hierdie tekens doen wat U doen as God nie met Hom is nie. Jesus antwoord en sê vir hom: Voorwaar, voorwaar Ek sê vir jou, as iemand nie weer gebore word nie, kan hy die koninkryk van God nie sien nie. Nikodemus sê vir Hom: Hoe kan ‘n mens as hy oud is, gebore word? Hy kan tog nie ‘n tweede keer in die skoot van sy moeder ingaan en gebore word nie? Jesus antwoord: Voorwaar, voorwaar, Ek sê vir jou, as iemand nie gebore word uit water en gees nie, kan hy in die koninkryk van God nie ingaan nie. Wat uit die vlees

gebore word, is vlees; en wat uit die Gees gebore is, is Gees. Moenie jou verwonder dat Ek vir jou gesê het, julle moet weer gebore word nie. Die wind waai waar hy wil, en jy hoor sy geluid, maar jy weet nie van waar hy kom, en waarheen hy gaan nie. So is elkeen wat uit die Gees gebore is. Nikodemus antwoord en sê vir hom: Hoe kan hierdie dinge gebeur? Jesus antwoord en sê vir hom: Jy is die leraar van Israel en jy weet hierdie dinge nie?”

Jesus sê nie: “tensy ‘n slegte mens wedergebore word nie. “ Jesus praat hier met die leraar van Israel – tog het hy ook wedergeboorte nodig gehad.

**Joh. 3: 8 (Lees dit weer).** Tog sien jy die blare beweeg en die stof wat waai en die bote wat seil – en jy weet dat dit die wind se werk is!

Jy sal weet wanneer God se wind (die Heilige Gees) jou lewe nuut gemaak het – 2 Kor. 5:17 “Daarom, as iemand in Christus is, is hy ‘n nuwe skepsel; die ou dinge het verby gegaan, kyk, dit het alles nuut geword.”.

## 2. Hoe ontstaan die wedergeboorte?

- a) Eerstens is dit nodig vir die mens om hom tot God bekeer. Bekering is om om te draai van my sondige weg en om op God se weg te kom.

Die Woord van God moet die hart van die mens bereik om hierdie bekering te bewerk. Daarom sê Petrus in **1 Pet.1:23**: “ want julle is wedergebore nie uit verganklike saad nie, maar uit onverganklike, deur die lewende Woord van God wat tot in ewigheid bly.”

b) Tweedens is dit ook nodig dat die mens 'die bad van die wedergeboorte' sal deurgaan. **Titus 3:5**: “nie op grond van die werke van geregtigheid wat ons gedoen het nie, maar na sy barmhartigheid het Hy ons gered deur die bad van die wedergeboorte en die vernuwing van die Heilige Gees.

**Let wel**: Die doop is nie die wedergeboorte nie, daarom sê Titus nie dat die bad **wat die** wedergeboorte is nie, maar wel die bad **van die** wedergeboorte! Hierdie **bad** (die doop) word dus sterk gekoppel aan die wedergeboorte.

Voorbeelde in die skrif van mense wat die bad van die wedergeboorte ondervind het nadat God hul lewens verander het, vind ons in:

**Hand. 8:37**: “Toe sê Filippus: As u glo met u hele hart is dit geoorloof, en hy antwoord en sê: Ek glo dat Jesus Christus die Seun van God is.”

**Hand. 9:6,18**: “En terwyl hy bewe en verbaas was, sê Hy: Here, wat wil U hê moet ek doen? En die Here antwoord hom: Staan op en gaan na die stad, en dit sal jou gesê word wat jy moet doen. En dadelik het daar iets soos skille van sy oë afgeval, en hy kon onmiddelik weer sien; en hy het opgestaan en is gedoop.”

**Hand. 16:31-33**: “Toe sê hulle: Glo in die Here Jesus Christus en jy sal gered word, jy en jou huisgesin. En hulle het aan hom die woord van die Here verkondig en aan almal wat in sy huis was. En in dieselfde uur van die nag het hy hulle geneem en hulle wonde gewas, en hy is onmiddellik gedoop, hy en al sy mense.”

### 3. Die gevolge van die Wedergeboorte

a) 'n Mens word erfgenaam van die koninkryk van God  
**Joh.3:3**: “Jesus antwoord en sê vir hom: Voorwaar, voorwaar Ek sê vir jou, as iemand nie weer gebore word nie, kan hy die koninkryk van God nie sien nie.”



b) Jy ontvang die ewige lewe **1 Joh. 3:14**: “Ons weet dat ons oorgegaan het uit die dood in die lewe, omdat ons die broeders liefhet. Hy wat sy broeder nie liefhet nie bly in die dood.”

**1 Joh. 5:12 en 13**: “Hy wat die seun het, het die lewe; wie die Seun van God nie het nie, het nie die lewe nie. Dit het ek geskrywe een julle wat glo in die Naam van die Seun van God, sodat julle kan weet dat julle die ewige lewe het en kan glo in die Naam van die Seun van God.”

c) Dit gee aan jou goddelike kindskap **Joh.1:12** “Maar almal wat Hom aangeneem het, aan hulle het Hy mag gegee om kinders van God te word, aan hulle wat in sy Naam glo.”

d) Dit maak van ‘n mens ‘n nuwe skepsel

**2 Kor.5:17**:“Daarom, as iemand in Christus is, is hy ‘n nuwe skepsel; die ou dinge het verby gegaan, kyk, dit het alles nuut geword.”

#### 4, Hoe sal ek weet dat ek wedergebore is?

**1 Joh. 3:9** Die letterlike betekenis hier is: “Elkeen wat uit God gebore is, wil nie sondig nie omdat hy uit God gebore is.” Dieselfde skrywer vertel ons wat ‘n mens moet maak indien jy sou sondig, naamlik, **1 Joh. 1:7,9**: “Maar as ons in die lig wandel, soos Hy in die lig is, dan het ons gemeenskap met mekaar; en die bloed van Jesus Christus, sy Seun, reinig ons van alle sonde. As ons ons sondes bely, Hy is getrou en regverdig om ons die sondes te vergewe en ons van alle ongeregtigheid te reinig.” **Die Lewende Bybel stel 1 Joh. 3:9 soos volg**: “As God vir iemand die nuwe geboorte gegee het, sal hy nie aanhou om sonde te doen nie, want God se lewe is nou in hom. Vir so iemand is dit nie moontlik om in die sonde te lewe nie, want God is nou sy Vader.”

**Die Amplified Bible** stel dit soos volg: “No one born (begotten) of God (deliberately and knowingly) habitually practises sin, for God’s nature abides in him – His principle of life, the divine sperm, remains permanently within him – and he cannot practise sinning because he is born (begotten) of God.” ‘n Kind van God wil nie sondig nie, want hy is uit God gebore. Indien hy wel sou sondig moet hy weet dat hy ‘n voorspraak (een wat vir hom sal intree) by die Hemelse Vader het, naamlik Jesus. As hy sy sonde bely sal God hom weer vergewe. **1 Joh.2:1,2:** “My kinders, ek skryf hierdie dinge aan julle, dat julle nie moet sondig nie; en as iemand gesondig het, ons het ‘n voorspraak by die Vader, Jesus Christus, die Regverdige. En Hy is ‘n versoening vir ons sondes, en nie alleen vir ons s’n nie, maar ook vir diè van die hele wêreld.”

**1 Joh. 5:1:** “ELKEEN wat glo dat Jesus die Chrsitus is, is uit God gebore; en elkeen wat die Vader liefhet, het ook die een lief wat uit Hom gebore is.” Christus beteken saligmaker. Indien u kan getuig dat Hy u Saligmaker persoonlik geword het, is u uit God gebore. Weet u van ‘n tyd in u lewe toe Jesus Christus u as sondaar gered het?

Het u Hom aanvaar as u verlosser volgens **Joh. 1:12** ?

**Nog getuienis van ons Wedergeboorte sal ons vind in 1 Joh. 5:6-8:** “Dit is Hy wat deur water en bloed gekom het, Jesus die Christus; nie deur die water alleen nie, maar deur die water en die bloed; en dit is die Gees wat getuig, want die Gees is die waarheid. Want daar is drie wat getuig in die hemel: die Vader, die Woord en die Heilige Gees, en hierdie drie is een; En daar is drie wat getuig op die aarde: die Gees en die water en die bloed, en die drie Is eenstemmig.”

Het jy al drie hierdie getuienisse in jou lewe?  
Dit sal verseker dat jy wedergebore is.

**Die getuienis van die bloed** M.a.w. Die **bloed** van Jesus Christus het u gewas van al u sonde. **1 Joh. 1:7**: “Maar as ons in die lig wandel, soos Hy in die lig is, dan het ons gemeenskap met mekaar; en die bloed van Jesus Christus, sy Seun, reinig ons van alle sonde.”

**Die getuienis van die water** M.a.w. Is u gedoop soos wat Jesus gedoop is? **1 Joh. 5:6**: “Dit is Hy wat deur water en bloed gekom het, Jesus die Christus; nie deur die water alleen nie, maar deur die water en die bloed; en dit is die Gees wat getuig, want die Gees is die waarheid.”;

**Matt. 3:13-17**: “Toe het Jesus van Galilea na die Jordaan na Johannes gekom, om deur hom gedoop te word. Maar Johannes het Hom ernstig teëgegaan en gesê: Ek het nodig om dier u gedoop te word, en kom U na my toe? Maar Jesus het geantwoord en vir hom gesê: Laat dit nou toe, want sò pas dit ons om alle geregtigheid te vervul. Daarna het hy Hom toegelaat. En nadat Jesus gedoop was, het Hy dadelik uit die water opgeklim, en meteens gaan die hemele vir Hom oop, en Hy sien die Gees van God soos ‘n duif neerdaal en op Hom kom. En daar kom ‘n stem uit die hemele wat sê: Dit is my geliefde Seun in wie Ek ‘n webehae het.”.

**Die getuienis van die Gees** M.a.w. Kan u sê dat God se Gees saam met u gees getuig dat u waarlik Sy kind is volgens **Rom. 8:16**: “Die Gees self getuig saam met ons gees dat ons kinders van God is;”?

# G E L O O F

God het dit so belangrik geag om ons te leer wat GELOOF is dat daar 'n hele hoofstuk daarvoor is in die Bybel.

Baie praat van Heb.11 as die GELOOFSHOOFSTUK

**Ons lees in Heb. 11:1 en 6 hierdie teffende woorde: “Die geloof dan is ‘n vaste vertrouwe op die dinge wat ons hoop, ‘n bewys van die dinge wat ons nie sien nie.....En sonder geloof is dit onmoontlik om God te behaag; want hy wat tot God gaan, moet glo dat Hy is en ‘n beloner is van die wat Hom soek.”**

**Geloof is om te weet dat die dinge waarna ons uitsien, wel sal gebeur.**

Past. Reinhardt Bonnke het gesê dat as jy die Here vertrou vir 'n karavaan kan jy maar begin om die afdak te bou. Want geloof is soos 'n getekende tjek.

Dr. Paul Yonggi Cho van Korea het so geglo vir sy eetste fiets en lessenaar. Nadat hy die oggend in die diens die gemeente vertel het dat hy 'n fiets en lessenaar het, het hul na die diens saam met hom gestap na sy woonstel om dit te sien. Toe hul daar opdaag was daar niks !

Saam met die groep was 'n swanger vroujie. Hy vra haar toe of sy 'n baba het.

Natuurlik was haar antwoord “ja” Maar hy reageer dadelik deur vir haar te sê dat hy geen baba kan SIEN nie. Haar antwoord was dat sy die baba gewaar binne haar.

Dit is net waarvoor hy gewag het ! Hy verduidelik vir sy lidmate dat hy ook “swanger” was met die fiets en lessenaar. Hierdie boodskap het hul nooit vergeet nie.

**Heb.11 :1 In die Lewende Bybel :** “ Wat beteken dit om op God te vertrou ? Dit beteken om seker te wees dat die dinge waarna ons uitsien, wel sal gebeur. Dit beteken ook om oortuig te wees dat die dinge wat ons nie kan sien nie, wel daar is.”

**THE LIVING BIBLE, stel dit weer soos volg:**

” What is faith ? It is the confident assurance that something we want is going to happen. It is the certainty that what we hope for is waiting for us, even though we cannot see it ahead.”

**DINK AAN MOSES !**

Daar was ‘n droom in sy hart. (Lees Heb. 11:24-27)

In vers 27 lees ons: *“hy (Moses) het volgehou soos een wat die Onsienlike sien.”*

Ek hoop daar is ‘n “droom” in jou hart ?

**Geloof is om met jou MOND te bely wat God gesê het.**

Maak ‘n studie van Rom.10:8 en 2 Kor.4:13

Geloof word dus aktief vrygelaat as ons dit wat ons in ons harte glo sal spreek.

Geen wonder dat Bartimeus al harder uitgeroep het nie.

(Mark. 10:48)

Luister, niks moet jou keer om in God te glo nie.

Voorbeelde: Elia op Karmel (1 Kon.18:36) Paulus op boot (Hand. 27:25)

(1) Praat met jou “BERG” Mark.11 :23,24

(2) Praat met jou siekte 1 Pet.2 :24

BID vir die sieke, spreek die SIEKTE aan in JESUS se naam.

(3) Praat met jou FINANSIES.

Bely hardop die volgende skrifte : Mal.3 :10 Fil.4 :19

Bely God se BELOFTES oor jou lewe soos Maria dit gedoen het in Luk.1:37,38 “Want geen ding sal by God onmoontlik wees nie. EN MARIA Sê: Hier is die diensmaagd van die Here. Laat dit met my gaan volgens U Woord “

### **Geloof is om bereid te wees om te OFFER**

Wys my wat jy bereid is om te offer dan sal ek weet dat jy waarlik glo

In Gen.22 leer ons dat GELOOF bereid is om te OFFER. Dit is die gedeelte in die Bybel waar Abraham sy seun Isak moes gaan offer op die berg Moria.

Lesse wat ons in die hoofstuk leer is:

- Ons word almal getoets (verse 1,2)
- Abraham (noual 125 jaar oud) word gevra om Isak (25 jaar oud) as ‘n brandoffer te gaan offer. (Lev.1)
- Abraham moet dit wat God aan hom beloof het weer offer.
- Hoor hoe praat iemand met geloof in sy hart het: “Bly julle hier met die esel; ek en die seun wil daarheen gaan om te aanbid en dan na julle TERUGKOM.” (vers 5)
- Lees self Gen.22:6-11
- Die resultaat van gehoorsaamheid vind ons in verse 15-18.

### **Geloof is om GEHOORSAAM te wees !**

As iemand waarlik glo sal hy gered word (Dink aan Num.21 Net hy wat geglo het, het gekyk en geleef !) Dieselfde geld vir GENESING.

As jy glo sal strome van lewende water uit jou binneste vloe. Joh.7:37-39

As jy glo sal jy soms dinge doen wat die gewone mens nie sal verstaan nie.

Noag bou bv. ‘n ark vêr van die see af terwyl dit ook nog nooit voorheen gereën het nie. Heb.11:7



Abraham trek weer weg toe God hom geroep het  
SONDER OM TE WEET waar hy sou kom. Heb.11:8 (God  
mag dit ook van jou vra)

Ons sê gewoonlik dat as God lei dan lei Hy duidelik. Tog  
het Israel nie die pad vorentoe in die woestyn altyd  
verstaan nie.

Want God sê hul moet optrek en net oor die bult wag die  
vyand om baie van hulle selfs dood te maak. Hoe  
verstaan ons dit ?

**SOMTYDS NEEM GOD SELFS DIT WEG WAT ONS KAN  
SIEN SODAT ONS HOM TEN VOLLE SAL VERTROU.**

Dink aan wat met die weduwee van Sarfat gebeur het in 1  
Kon.17.

Sy moes haar handvol meel en die bietjie olie weggee vir God  
se dienskneg, voordat dit meer kon word.

**AS JY GLO, SAL JY DIE HEERLIKHEID VAN GOD SIEN.**  
Joh.11:40

Die verhaal in 2 Sam.1:1-21 spreek altyd tot my van gelowiges  
wat hul GELOOFSKILD verloor het en soos koning Saul se  
skild wat op Gilboa in die son gelê en brand het, en nie meer  
met "Olie" gesalf was nie.

**VERTROU DIE HERE OM WEER JOU "GELOOFSKILD" TE  
SALF MET SY WONDERLIKE HEILIGE GEES "OLIE"**

Mag jy vandag weer jou "skild van geloof" optel in die Naam  
van die Here

# GODDELIKE GENESING

Ons praat hier van **Goddelike** genesing, en nie van **geloofsgenesing** nie.

**Geloofsgenesing** fokus alles op die persoon se **geloof**.

Alhoewel geloof nodig is as ek gesond wil word, bly dit **God** wat genees. Daarom praat ons van **Goddelike genesing**.

## 1. DIT IS GOD SE WIL OM TE GENEES:

a) Reg voor in die Bybel het God Homself openbaar as Jahweh-Rapha

**Ex.15:26** "Ek is die Here wat jou gesond maak"

b) God maak nie **siek** en dan weer **gesond** nie!

`n Koninkryk wat teen homself verdeeld is, sal nie bly staan nie. **Luk.11:17,18**

c) Dit is God se **wil** dat jy gesond moet wees.

**3 Joh. vers 2** "*Geliefde, ek wens dat dit met jou in alles goed mag gaan en dat jy gesond is, soos dit met jou siel goed gaan.*"

Genesing vorm ook `n deel van Christus se versoenings-Werk op Golgotha. **Jes.53:4,5** **1 Pet.2:24** **Matt.8:17**

## 2. JESUS SE HELE BEDIENING WAS GENESING EN BEVRYDING

**(Matt.4:23)**

**(Matt.8:16)**

**(Matt.14:36)**

**(Luk.7:21)**

**(Hand.10:38)**

## 3. DIE GENESINGSBEDIENING IS VOORTGESIT DEUR DIE EERSTE KERK

**Hand.3:1-9; Hand.8:5-8; Hand.9:33-34;**

**Hand.14:8-10; Hand.19:11-12; Hand.28:8-9**

DIE KERK IN HANDELINGE HET GEWELDIG **GEGROEI** AS GEVOLG VAN DIE **WONDERS EN TEKENS**.

**(Hand.4:4)**

**(Hand.5:12-16)**

**(Hand.9:32-35)**

Daar was tydperke in die geskiedenis van die kerk dat genesings minder voorgekom het, maar dit het nooit opgehou nie.

4. DAAR IS 3 TIPE SIEKTES:

- a) Siektes in ons **gees** veroorsaak deur persoonlike sondes.
- b) **Emosionele** siektes en probleme (bv. Spanning) deur letsels uit die verlede.
- c) **Fisiese** siektes in ons liggame, veroorsaak deur siektetoestande of ongelukke.

5. HOE VIND GENESING PLAAS?

- a) Ons moet bid in die **Naam van Jesus** (Joh.14:3; Hand.3:6,16).
- b) Deur die **oplegging** van die hande (Mark.6:5; Mark.8:23; Luk.4:40; Luk.13:13; Mark.16:18).
- c) Deur te **salf met olie** (Mark.6 :13 ; Jak.5 :14).
- d) Oplegging van **doeke of sakdoeke** (Hand.19:11,12)

6. DIE TYDSDUUR VAN DIE GENESING:

- a) Party genesings is **onmiddelik**.
- b) Sommige vind eers **later** plaas (Dink aan die 10 melaatse manne, wat eers op pad na die priester gesond geword het – Luk.17:14)

7. WAAROM PARTY MENSE NIE GENESING ONTVANG NIE?

- a) Gebrek aan geloof – Matt.13:58.
- b) Verkeerde opvattinge, soos:
  - siekte is deur God as kruis op my gelê
  - siekte sal my geestelik verdiep
  - siekte hou my nederig
- c) Sonde kan moontlik die oorsaak wees – Jes. 59:1,2; Joh.5:14.

ONTHOU: Sonde is nie ALTYD die oorsaak nie – Joh.9:1-3

8. HOE KAN `N MENS SY GENESING BEHOU?

- a) Eer die Here vir jou genesing. (Ps.50:15; Ps.103:1,2)
- b) Getuig teenoor ander daarvan. (Joh.9:24,25; Hand.4:29,30)
- c) Moenie twyfel toelaat nie. (Matt.14:31)
- d) Moenie moedswillig verder sondig nie. (Joh.5:14)

**Jesus is die groot Geneesheer en het nog nooit verander nie.  
Hy wil vir jou en my gebruik om vir mense te bid sodat hul  
gesond kan word. (Joh.14:12; Mark16:17,18)**

# DIE KONINKRYK VAN GOD

DIT IS DIE PREDIKING VAN DIE NUWE TESTAMENT

Jesus se hele prediking het gegaan oor die Koninkryk van God

**Matt. 4: 17,23:** "Van toe af het Jesus begin om te preek en te sê: **Bekeer julle, want die Koninkryk van die Hemele het naby gekom.** En Jesus het deur die hele Galilea rondgegaan en in hulle sinagoges geleer en die Evangelie van die Koninkryk verkondig **en elke siekte en elke kwaal onder die volk genees**".

Dit is duidelik dat 'n mens nie kan inkom in God se Koninkryk sonder bekering nie.

Verder is dit ook duidelik uit wat hier in Matt. 4 gebeur het dat waar God se Koninkryk kom vind daar genesing en wonders plaas.

By die vermeerdering van die brode lees ons dié besondere woorde in **Luk. 9:11:** "En Hy het hulle ontvang en met hulle gespreek oor die Koninkryk van God".

Selfs in die "**Onse Vader**" leer Hy ons bid: "Laat u Koninkryk kom;" (**Mat. 6:10**). **Lees ook:** Matt. 5:10, Matt. 10:7,8.

In **Matt. 6:33;** sê Jesus dat ons Sy Koninkryk moet soek! "**Maar soek eers die Koninkryk van God en sy Geregtheid, en al hierdie dinge sal vir julle bygevoeg word**". ("Hierdie dinge" verwys na wat ons eet, drink en aantrek).

**HIER STAAN NIE:**

1. "**Sodat** al hierdie dinge vir julle bygevoeg kan word nie"?
2. **OOK NIE:** "Met dié motief om al hierdie dinge te kry nie"?

## **MOENIE KYK WAT JY UIT GODSDIENS KAN KRY NIE, MAAR KYK WAT JY DAARIN KAN INSIT!!**

**AMPLIFIED BIBLE:** "But seek for (aim at and strive after) first of all His kingdom, and His Righteousness (His way of doing and being right) and then all these things taken together will be given you besides".

**DIE LEWENDE BYBEL:** "Waarop julle in die eerste plek moet konsentreer, is dat God se Koninkryk erken sal word en dat mense sal doen wat Hy wil hê, dan sal Hy vir julle boonop al hierdie dinge gee wat julle nodig het."

### **KRY JOU PRIORITEITE REG!!**

God is vòòr my man òf vrou. Voor my werk; my studies; my familie en vriende; my plesier en my eie behoeftes.

## **WAT BEDOEL ONS AS ONS PRAAT VAN DIE KONINKRYK VAN GOD?**

Die Griekse woord vir "Koninkryk" is **Basileia**. Dit beteken: "KONINKLIKE GEBIED"

God se Koninkryk is die **gebied** en **plek** waar God se wil erken en gehoorsaam word.

**IN MY HART** - Daarom moet jy jou hart bewaak. (Mark.7)

**IN MY HUIS** - Wat laat jy toe?

**IN MY BESIGHEID OF WERK** - Daarom moet jy eerlike besigheid doen.

**KOM ONS BAKEN DIE GEBIED AF VIR GOD WAAR ONS  
WOON, WERK OF STUDEER.**

Charles Finney, daardie magtige Evangelis het sy dorp sò af gebaken vir God! Selfs wanneer treine in die nag deur sy dorp beweeg het, het mense neergeval en hul aan God oorgegee. Kom ons neem ons gemeenskap in besit vir God.

### **Luister weer mooi na die woorde van Paulus in:**

**2 Kor. 10:3,4** "Want hoewel ons in die vlees wandel, voer ons die stryd nie volgens die vlees nie; want die wapens van ons stryd is nie vleeslik nie, maar kragtig deur God om vestings neer te werp". (Lees ook v. 5, 6). Kom ons gebruik dié wapens om satan se planne te verydel.

In Lukas 17:20,21; vertel Jesus dat ons die Koninkryk van God geestelik moet verstaan: "En toe Hy deur die Fariseërs gevra is wanneer die Koninkryk van God sal kom, het Hy hulle geantwoord en gesê: Die Koninkryk van God kom nie met sigbare tekens nie. En hulle sal nie sê: Kyk hier! of kyk daar! nie; want die Koninkryk van God is binne-in julle".

### **DIT IS AS GOD REGEER IN MY HART. IS DIT OOK JOU GETUIENIS?**

JESUS SE EIE DISSIPELS HET GEDINK DAT SY KONINKRYK SOU BEVESTIG WORD AS HY HUL VERLOS HET VAN DIE ROMEINSE JUK.

KYK NA **HUL** VRAAG EN **SY** ANTWOORD:

Hand. 1:6-8: "Die wat bymekaargekom het, vra Hom toe en sê: Here, gaan U in hierdie tyd die Koninkryk vir Israel weer oprig? En Hy antwoord hulle: Dit kom julle nie toe om die tye of geleenthede te weet wat die Vader deur sy eie mag bepaal het nie; maar julle sal krag ontvang wanneer die Heilige Gees oor julle kom, en julle sal my getuienis wees..."



## **VIR PILATUS HET JESUS GESÊ:**

**Joh. 18:36:** " My koninkryk is nie van hierdie wêreld nie, as my koninkryk van hierdie wêreld was, sou my dienaars geveg het, dat ek nie aan die Jode oorgelewer word nie. Maar nou is my koninkryk nie van hier nie."

**1 Kor. 4:20:** is 'n besondere woord waar Paulus sê: "Want die koninkryk van God bestaan nie in woorde nie, maar in **krag**"

'n Voorbeeld hiervan vind ons waar Jesus 'n blinde en stomme gees uit 'n man gedyf het.

Die Fariseërs het Jesus beskuldig dat Hy dit gedoen het deur die krag van die owerste van die duiwels.

**Jesus antwoord hulle in Matt. 12:28:** "Maar, as Ek deur die Gees van God die duiwels uitdryf, dan het die koninkryk van God by julle gekom".

**O! DAT GOD SY KONINKRYK SAL BEVESTIG DEUR DIE KRAG VAN DIE HEILIGE GEES!**

Uit **Matt. 12** lei ons af dat elke keer as God werk deur Sy Heilige Gees, dan het Sy Koninkryk daar gekom.

## **ONS ERVAAR DIT BY ELKE:**

1. Bekering
2. Vervulling met die Heilige Gees
3. Genesing
4. Bevryding

## **HOE KAN ONS DIE KONINKRYK VAN GOD VERGELYK?**

Matt. 13; Matt. 18:23-25; Matt. 20:1-6; Matt. 22:2-14; Matt. 25:1-13.

## DIE VOLGENDE HET OOK DIE KONINKRYK VAN GOD GEPREEK:

Johannes die Doper - Matt. 3:2  
Die Dissipels - Matt. 10:7  
Fillipus - Hand. 8:12  
Paulus - Hand. 14:21, 22; 19:8; 20:25; 28:23

## **WAT IS DIE WOORWAARDES VAN TOELATING TOT DIE KONINKRYK VAN GOD?**

Matt. 5:1-10; Sagmoedigheid; Honger en dors na die Here;  
Behoeftiges help; Rein harte besit; Ek moet kan vrede maak  
Matt. 25:34-40; Siekes bedien; Gevangenis help

### **Joh. 3:5; Ek moet wedergebore word**

Lees ook die volgende: Matt. 18:1-4; Ef. 5:5; Gal. 5:19-21;  
1 Kor. 6:9-11; Kol. 1:13; Luk. 18:16, 17; 2 Pet. 1:3-15.

Die Koninkryk van God en die Koninkryk van die Hemele is presies dieselfde.

Die rede waarom Mattheüs nie praat van die Koninkryk van God nie, maar wel van die Koninkryk van die Hemele is omdat die Jode die naam van God nie geskryf of gesê het nie, omdat hul bang was dat hul dit ydellik sou doen.

Ex. 20:7; "Jy mag die Naam van die Here jou God nie ydellik gebruik nie, want die Here sal die een wat Sy naam ydellik gebruik nie ongestraf laat bly nie".

- 1) In **Matt.3:2** verstaan ons duidelik dat 'n mens nie in God se koninkryk kan ingaan sonder bekering nie. Want Johannes die doper preek en sê: "Bekeer julle, want die Koninkryk van die Hemele het naby gekom".

- 2) In **Matt. 5 tot 7** Leer Jesus ons die beginsels van die Koninkryk.
- 3) In **Matt. 8 en 9** vind 10 Wonders plaas om die koninkryk van God te bevestig.
- 4) In **Matt. 10** Stuur Jesus Sy dissipels uit om Sy koninkryk te gaan uitbou. Hy gee Sy dissipels gesag in Sy koninkryk.
- 5) In **Matt. 16:19** Leer Jesus ons dat God se koninkryk sleutels het.
  - Elke huis en besigheid het sy eie sleutels.
  - Enige persoon het nie toegang tot jou huis nie; maar net hulle wat daar woon.
  - Sal jy belangrike sleutels aan enige persoon of kind gee?  
 Motorsleutels?  
 Voordeursleutels?  
 Kombuiskaste?  
 Kluissleutels?

**NEE!** Maar alleenlik aan hulle wat jy kan vertrou. Kan God jou vertrou met die sleutels van Sy Koninkryk? **Met hierdie sleutels kan ons oopsluit en ook toesluit.**

### **WAT IS DIE SLEUTELS VAN DIE KONINKRYK VAN GOD?**

1. Die eerste sleutel: Matt. 18:1-3;  
**NEDERIGHEID** - As u groot wil wees, word die minste.
2. Matt. 12:22-25:  
**EENHEID** - As 'n koninkryk teen homself verdeeld is kan dit nie bly staan nie.  
As ons VERDEELD is sal ons nie geestelike deure oopkry nie.

3. **In Rom. 14:17: Gee Paulus 3 sleutels in een bos.  
"Want die koninkryk van God is nie spys en drank nie,  
maar **GEREGTIGHEID** en **VREDE** en **BLYDSKAP** in die  
Heilige Gees"**

AMPLIFIED BIBLE: "After all the Kingdom of God is not a matter of food and drink but instead, it is righteousness - that state which makes a person acceptable to God - and heart peace and joy in the Holy Spirit".

### DIE EERSTE SLEUTEL IN Dié BOS : **GEREGTIGHEID**

(Righteousness - In right standing with God)

'n Staat waar ek aanneemlik voor God is! - Sonder enige skuld.

Volgens **Rom. 4:3-5** kry ons geregtigheid nie deur verdienste nie, maar deur geloof in God.

Hiskia het 15 jaar langer geleef omdat hy die sleutel van Geregtigheid in sy hand gehad het op sy sterfbed.  
(**2 Kon. 20**)

Net 'n offer van bloed is aanneemlik voor God. Dink aan die bloed-offer wat die hoëpriester moes bring op die versoendag.

Die wet binne die verbondsark was nie genoeg nie - God wou die bloed sien

**KAN GOD DIE BLOED VAN JESUS SIEN IN U LEWE?**

### DIE TWEDE SLEUTEL IN DIE BOS IS: **VREDE**

- Spanning bind jou - maar vrede maak vry.
- Elke huwelik het voorwaar dié sleutel nodig.
- As jy vrede met God het, asook met jou medemens - dán het jy God se koninkryk binne in jou.

**DIE DERDE SLEUTEL IN HIERDIE BOS:**  
**DIE BLYDSKAP IN DIE HEILIGE GEES**

**Hierdie blydskap kan vervolging nie eers steel nie.**

Nadat die Apostels geslaan was, lees ons in Hand. 5:41; "Hulle het toe van die raad af weggegaan, bly dat hulle waardig geag was om vir Sy naam oneer te ly".

Dink ook aan Hand. 16. Waar Paulus en Silas selfs traliedeure oopgesing het! U kan dieselfde ondervind as u hierdie sleutel van God se Koninkryk in u lewe gebruik. Geen wonder dat Nehemia onder baie druk van sy vyande kon uitroep: Neh. 8:11: "Die blydskap in die Here - dit is julle beskutting".

Ware blydskap word nie eers beïnvloed deur 'n misoes nie.  
Lees gerus Hab. 3:17,18

**BESIT JY:** Geregtigheid? Vrede? Blydskap in die Heilige Gees? Dan besit jy God se Koninkryk.

## **KONINKRYKSWETTE**

In Matt.5,6,7 vind ons die wette (of beginsels) van die koninkryk.

Elke koninkryk het wette wat streng nagekom moet word. God se koninkryk het ook duidelike wette. Jakobus verwys na een van hierdie koninkrykwette in Jak.2:8. "As julle ewenal die koninklike wet volbring volgens die skrif: Jy moet jou naaste liefhê soos jouself - dan doen julle goed".

### **ONS VIND DIE VOLGENDE KONINKRYKSWETTE:**

1. Die Koninkryk's Wet oor: **VERSOENING.** (Matt. 5:21-26)

Die Nuwe Vertaling: vers 22 - 24: "Maar ek sê vir julle : Elkeen wat vir sy broer kwaad is, is al strafbaar voor die regsbank. Verder, elkeen wat sy broer uitskel vir 'n gek, is strafbaar voor die Joodse Raad: en wie hom uitskel vir 'n idioot, is strafbaar met die hel se vuur. As jy dus jou gawe na die altaar toe bring en dit jou daar byval dat jou broer iets teen jou het, laat staan jou gawe daar by die altaar en gaan maak eers vrede met jou broer en kom dan en bring jou gawe".

### **'N PAAR VRAE OOR VERSOENING:**

1. Wat beteken die woord "Versoening"? Dit meen om vrede te maak. Ons moet ten eerste vrede maak met God, en waar nodig met ons medemens en moenie vergeet om met jouself ook vrede te maak nie. As God jou vergeef het, vergewe dus ook jouself.
2. Wanneer moet ek met my broer (of suster) versoen? Matt. 5:23, 24: sê as ek besig is om tot God te bid of te aanbid en dit sou my byval dat my broer/suster iets teen my het.

3. Hoe versoen ek met my broer? Matt. 18:15 - 17
4. Hoeveel keer moet ek kan vrede maak?  
Matt.18:21,22; Luk. 17:3,4. Sewe maal per dag, en tot 490 maal.
5. Hoekom moet ek vrede maak? As ek dit nie doen nie sal God my oorgee aan die pynigers - Matt. 18:34,35. Ek moet kan vrede maak met ander as ek wil hê daar moet vrede tussen my en God wees - Luk.11:4. Baie kan nie hul berge van probleme verskuif nie, omdat hul nie kan vergewe nie - Mark. 11:22-26.

## 2. Die **HUWELIKSWET** (Matt. 5:27 – 32)

Wat is die **HUWELIK**? Dit is 'n verbintenis tussen een man en een vrou, wat 'n gelofte voor God gemaak het, om aan mekaar verbind te bly totdat die dood hul sou skei!

God het in elke geval vir Adam net een vrou gemaak! Die huwelik is 'n instelling van God en is 'n heilige saak. 1 Tim. 4:1-3, Heb.13:4

**Daar is pligte in die huwelik. Ef.5:22-23, 1 Pet.3:1-7.**

## 3. Die wet oor **EEDSWERING** (Matt. 5:33-37)

Dit beteken: 'n Getuienis voor God aflê dat 'n verklaring die waarheid is.

Voorbeelde in die Ou Testament:

Gen. 21:23-32: Abraham en Abiméleg

Gen. 24:2-4: Abraham en Eliëser

Gen. 47:29-31: Jacob en Josef

God verlang van ons dat ons woord ons eer moet wees.

Jesus sê in

Matt. 5:37: "Maar laat julle woord wees. Ja Ja, nee nee.

Wat meer as dit is, is uit die bouse".



Luister wat sê Jakobus in die Lewende Bybel: Jak. 5:12 :  
"Liewe Broers, daar is nog iets wat baie belangrig is. Julle moet liever glad nie sweer as julle wil wys dat julle die waarheid praat nie".

4. Die wet oor **VERGELDING** (Matt. 5:38-48)  
Dit beteken: Afrekening of Terugbetaling.

5. Die wet oor **GESINDHEDE** (Matt. 6:2,5,16)

In Filippense leer Paulus die volgende oor gesindhede:  
**Fil. 1:12-18.**

Paulus het probleme met ander se gesindhede en motiewe - maar kyk hoe besonders is syne wanneer hy uitroep in vers 18: "Maar wat maak dit? In alle geval, op allerlei wyse, of dit onder 'n skyn of in waarheid is, word Christus verkondig; en hierin verbly ek my en sal ek my ook verbly".

Paulus verwys ook dan na die wonderlike gesindheid wat in Jesus was en moedig ons aan om dié gesindheid te bekom. Fil. 2:1-5

**Hierdie gesindheid is:**

- nie selfsugtig te wees nie
- nie ydele eer te soek nie
- om nederig te wees
- ander hoër te ag as onself
- na ander se belange ook om te sien

6. Die wet oor **KWELLING** (Matt. 6:25-34)

7. Die wet oor **GEE** (Lukas 6:36-38)

Dit is tog saliger om te gee as om te ontvang.

Hand. 20:35:

Die dooie see is "dood" omdat dit net water ontvang.

**Wanneer ons aan God gee is die volgende beginsels van toepassing:**

1. Gee gewilliglik - Ex.25:2, 1 Kron. 29:9
2. Gee blymoedig - 2 Kor. 9:7
3. Gee ooreenkomstig God se seën aan jou.  
Deut.16:17
4. Gee jou beste. Mal. 1:8, 13, 14  
(kyk wat was die klag teen Israel)

**8. Die wet oor OORDEEL (Matt. 7 : 1-5)**

Die betekenis van die volgende woorde:

**OORDEEL** Uitspraak; Mening; Opinie; Sienswyse.

**BEOORDEEL** Goekeuring of afkeuring uitspreek:  
Om waarde te bepaal: Opbouend te kritiseer

**VEROORDEEL** Oordeel vooruit sonder die vereiste kennis en bewyse

Moenie oordeel nie - al dink jy dat jy al die feite het.

**DIE BYBEL BELET ONS OM TE OORDEEL.**  
Rom. 2:1-3 Jak. 4:11,12

## **DIE KONINKRYK VAN GOD BREEK VIR HOMSELF 'N PAD OOP!**

***In Matt. 11 vers 12 sê Jesus: "Maar van die dae van Johannes die Doper af tot nou toe word die koninkryk van die Hemele bestorm, en bestormers gryp dit met geweld".***

### **DIE NUWE VERTALING STEL DIT SÒ TREFFEND:**

"Sedert die dae van Johannes die Doper tot nou toe breek die Koninkryk van die Hemel vir homself 'n pad oop, en mense wat hulle kragte inspan, kry dit in besit".

### **DIE LEWENDE BYBEL SÊ WEER:**

"Vandat Johannes die doper begin preek het tot vandag toe is die nuwe ryk waarin God regeer besig om deur elke weerstand te breek, en mense wat al hulle kragte daarop konsentreer maak dit hulle eie".

### **KING JAMES VERTALING:**

"And from the days of John the Baptist until now the Kingdom of Heaven suffereth violence, and the violent take it by force".

## **HOE HET DIE KONINKRYK VAN GOD SEDERT JOHANNES DIE DOPER VIR HOMSELF 'N PAD OOPGEBREEK?**

**Matt. 3:1-12** Johannes preek en sê: "Bekeer julle, want die Koninkryk van die Hemele het naby gekom". Bekering is beslis nodig as 'n mens die Koninkryk van God wil ingaan. Bekering is iets wat met "geweld" plaasvind want dit is 'n 180 grade omdraai in 'n mens se lewe.

Die mense bestorm Johannes die Doper uit Judea en omgewing om gedoop te word. Hy het hul gedoop terwyl hul hul sondes bely het. (v.5,6) Ja, waarlik, die Koninkryk van God het vir homself 'n pad deurgebreek in hierdie mense se harte.

1. KYK WAT HET GEBEUR TOE JESUS DIE KONINKRYK BOODSKAP BEGIN VERKONDIG. MATT. 4:17, 23,24

Wonders vind altyd plaas waar die Koninkryk vir homself 'n pad deurbreek. Selfs duiwels moet dan padgee.

2. MATTHEÛS 8

Dié melaatse het sy kragte ingespan en dit gewaag om naby Jesus neer te val. Melaatses moes vêr weg van ander gebly het, anders was hul gestenig.

Melaatsheid word in die Bybel vergelyk met sonde. As 'n mens in sonde verval het, kos dit voorwaar inspanning om na God te gaan vir reiniging.

3. Nog steeds in Matt. 8 vind ons die verhaal van die besetenes van Gadara. God se Koninkryk tref die gebied met geweld. 2000 Varke bly in die slag! Dit is altyd sò: As God se Koninkryk in 'n hart of huis inkom moet alle onreinheid pad gee.

3. MATTEÛS 9

Die verlamde man in Kapernaüm. Dit is voorwaar geweld om 'n ander man se huis se dak oop te breek. Wat doen ons om mense by Jesus uit te kry? Sal ons bereid wees om sò met geweld op te tree?

5. Nog 'n voorbeeld in Matt. 9 van hoe die Koninkryk van God vir homself 'n pad deurgebreek het vind ons by die vrou wat aan bloedvloeiing gely het.

Sy dring met geweld deur die skare. Sy is maar 'n vrou en baie siek weens die baie bloed wat sy die afgelope twaalf jaar verloor het. Maar sy is vasberade en span àl haar kragte in om by Jesus te kom. Haar genesing is onmiddelik.

Is jy siek? Is jy in nood? As jy iets van God wil hê sal jy al jou kragte moet inspan om by Jesus uit te kom. Geen mens mag jou verhinder daarin nie.

Kom ons glo dat die Koninkryk van God ons dorp of stad sal besoek soos wat met Efese in Hand. 19 gebeur het. Dit was 'n stad vol afgodsbeelde en towerkunste. Maar kyk wat doen God toe Sy Koninkryk deurbreek. (v.18-20)

### **VIR GEWELD IN ONS GEES:**

- Om gered te word.
- Om genesing te verkry.
- Teen die duiwel wat ons huise en huwelike aanval.
- Indien jy 'n geestelike deurbraak in jou lewe begeer sal daar geweld en deursettingsvermoë in jou gees moet kom. Besluit nou of nooit moet ek God soek met my hele hart. Lees jou Bybel meer en bid meer.

# HANDOPLEGGING

**Die laaste opdrag wat Jesus aan Sy dissipels gegee het vind ons opgeteken in Mark. 16:15-20.**

Hierdie opdrag het Jesus gegee net voordat Hy opgevaar het na Sy Vader in die hemel. In verse 17 en 18 roep Jesus uit: “En vir die wat geglo het, sal hierdie tekens volg: op siekes sal hulle (dit is hulle wat glo) die hande lê en hulle sal gesond word”.

Reg deur die Bybel vind ons dat daar groot seën en krag is in handoplegging in die Naam van die Here. Selfs in dienste deur die jare was my ondervinding dat hulle wat uitgekóm het vir gebed met handoplegging groter seën ontvang het teenoor hulle wat in die kerkbanke gebly het.

**Wat leer die Bybel ons oor die oplegging van hande?**

1. *Oplegging van hande was gebruik wanneer mense afgesonder was in diens van God*

Die Leviete was so afgesonder vir diens aan God. Ons lees daarvan in Num. 8:10,11: “Dan moet jy die Leviete voor die aangesig van die HERE laat nader kom, en die kinders van Israel moet hulle hande op die Leviete lê en Aåron moet die Leviete as beweegoffer beweeg voor die aangesig van die HERE namens die kinders van Israel, sodat hulle daar kan wees om die dienswerk van die HERE te verrig”.

Nadat die Leviete hulself gereining het was hulle letterlik beweeg voor die Here as ‘n beweegoffer terwyl hande op hulle gelê was!

Die eerste diakens in die Nuwe Testament was ook so afgesonder vir hul taak. Ons lees daarvan in Hand.6:1-7, Paulus en Barnabas het dieselfde ondervinding gehad.(Hand. 13:3).

Persoonlik dink ek dat dit gebiedend noodsaaklik is dat hulle wat in diens van die Here moet staan met oplegging van hande voor die gemeente afgesonder moet word.

2. *Selfs die Gawes van die Heilige Gees word gegee deur handoplegging*

Paulus skryf die volgende aan Timoteus in 1 Tim. 4:14 “Verwaarloos nie die genadegawe wat in jou is nie, wat jou gegee is deur die profesie met die handoplegging van die ouderling”.

Verder skryf Paulus in 2 Tim. 1:6: “Om hierdie rede herinner ek jou daaraan om die genadegawe van God aan te wakker wat in jou is deur die oplegging van my hande”. In albei hierdie skrifte word duidelik verwys na die oplegging van hande toe Timoteus die Heilige Gees ontvang het.

Dit is ook duidelik dat ons nie God se gawes in ons moet verwaarloos nie, maar dit moet aanwakker. Indien jy begeer dat God se vlam in jou weer sterk moet brand beveel ek aan dat jy ‘n geslafde van God vra om met handoplegging vir jou te bid! Mag God se wonderlike gawe weer aangewakker word in jou lewe!

Nadat die Apostels in Jerusalem gehoor het van die wonders wat in Samaria gebeur het, het hulle dit noodsaaklik geag om vir Johannes en Petrus na Samaria te stuur om vir die gelowiges daar te bid dat hulle ook die Heilige Gees te ontvang. Dit was gedoen deur vir hulle te bid met handoplegging. Ons lees dit in Hand. 8:14-17.

Simon die towenaar was so aangegryp deur wat hy gesien het dat hy geld aangebied het om ook mag te kon besit om sy hande op mense te lê met dieselfde resultate. In plaas daarvan was hy bestraf. (Hand 8: 18-24).



In Hand. 19:6 het Paulus vir die manne in Efese met handoplegging gebid dat hulle ook die Heilige Gees sou ontvang.

### **‘n Persoonlike vraag: “Het jy al die Heilige Gees ontvang?”**

Die noodsaaklikheid van die vervulling met die Heilige Gees kan nie oorbeklemtoon word nie want:

- Die Heilige Gees help ons om te getuig (Hand. 1:8)
- Help ons om te bid (Rom. 8:26)
- Lei ons in al die waarheid (Joh. 16:13).

### **3. Handoplegging word gebruik wanneer vir siekes gebid word**

Kyk weer ‘n slag na Mark. 16:18. Jesus het dikwels Sy hande op die siekes geplaas.

- In Matt. 8:4 lees ons dat Jesus ‘n man wat melaats was aanraak en gesond maak.
- In Matt. 8:15 het Jesus Simon se skoonmoeder se hand aangeraak en die koors het haar verlaat.
- Matt. 9:29,30 vertel ons dat Jesus twee blindes se oë aanraak en hul siende maak.
- In Mark. 7:32-35 het Jesus ‘n doofstomme weg van die mense geneem, sy vingers in sy ore gedruk en sy tong aangeraak en hom herstel.
- Luk. 13:13 vertel ons hoe Jesus sy hande op die vrou geplaas het wat al 18 jaar deur die duiwel gebind was. Sy is onmiddelik herstel.

Kom, ek en jy word die verlengstuk van God se hande wanneer ons vir die siekes bid in Jesus se naam met die oplegging van hande.

#### 4. *Deur handoplegging word gesag oorgedra*

**Een van die uitstaande voorbeelde in die Bybel is in Num. 27:18-20.**

Hier lees ons dat Moses die gesag wat hy van God ontvang het aan Josua sy opvolger oordra met handoplegging.

In Deut. 34:9 lees ons: “En Josua, die seun van Nun, was vol van die gees van wysheid, want Moses het hom die hande opgelê”.

Geen wonder dat ons nie haastig die hande moet oplê nie! Aan die ander kant kan ons mekaar geweldig seën as ons in opdrag van die Here, vir mekaar bid met die oplegging van hande.

**Lê hande op jou vrou en kind wanneer jy weer vir hulle bid**

# HEILIGMAKING

## Wat is heiligmaking?

Dit is daardie geestelike proses in die lewe van die mens, waardeur 'n persoon meer en meer heiligheid deelagtig word.

*In Hebreeus beteken dit:* “Om een kant te sit” (“to set apart”). Dit word ook vertaal met “afsnij”, “eenkant stel” en “toegewy.”

*In Grieks beteken dit:* (*hagiazō*) “afsonder”, “eenkant sit”  
2 Kor.6:17: “Daarom, gaan onder hulle uit en sonder julle af, spreek die Here; en raak nie aan wat onrein is nie, en ek sal julle aanneem”.

In watter area's in ons lewe moet ons heiligmaking nastreef? Volgens 1Thes.5:23 is dit in ons gees, siel (ons denke) en in ons liggaam.

Hoekom moet ons heiligmaking nastreef? Omdat dit God se wil is vir ons

**1 Thes. 4:3-7:** “Want dit is die wil van God: julle heiligmaking; dat julle jul moet onthou van hoerery; dat elkeen van julle moet weet om sy eie vrou te verkry in heiligheid en eer, nie in hartstogtelike begeerlikheid soos die heidene wat God nie ken nie; dat niemand sy broeder in hierdie saak moet bedrieg en benadeel nie, omdat die Here 'n wreker is oor al hierdie dinge, soos ons aan julle ook vantevore gesê en betuig het. **Want God het ons nie tot onreinheid geroep nie, maar tot heiligmaking.**”

**1 Pet. 1:15-16:** “Maar soos Hy wat julle geroep het, heilig is, moet julle ook in jul hele lewenswandel heilig word, omdat daar geskrywe is: **Wees heilig, want Ek is heilig.**”

Lev. 20:26: “**En julle moet vir My heilig wees**, want Ek, die Here, is heilig; en Ek het julle van die volke afgesonder om myne te wees.”

**Heb. 12:14,15:** “Jaag die vrede na met almal, en die heiligmaking waarsonder, niemand die Here sal sien nie; en pas op dat niemand in die genade van God veragter nie; dat geen wortel van bitterheid opskiet en onrus verwek en baie hierdeur besoedel word nie.”

## Hoe vind Heiligmaking plaas?

### **1. Deur God se Woord. Joh.17:17**

“Heilig hulle in u waarheid; u woord is die waarheid.”  
Heiligmaking kan alleenlik kom as ons God se Woord toelaat in ons harte.

Geen wonder dat Billy Graham eenmaal gesê het:  
“As jy herlewing in jou gemeente wil hê, preek heiligmaking!”

Kom ons bid Ps.119:25: “My siel kleef aan die stof; maak my lewend na u woord.”  
As ons alles behalwe God se Woord lees, hoe verwag ons om rein te word?

Dink aan Jesus se woorde in Joh.15:3: “Julle is alreeds rein deur die woord wat Ek tot julle gespreek het.”  
Die persoon wat ‘n honger en dors ondervind na God se Woord sal ook agterkom namate hy die Woord lees en doen sal die proses van heiligmaking gestalte vind in sy lewe.

Dink maar net aan die uitwerking wat die Woord van God in Israel se lewens gehad het. Ons lees daarvan in Nehemia 8 tot 10  
(Maak gerus ‘n studie hiervan.)

## **2. Deur self die verkeerde dinge in ons lewens af te lê:**

**2 Tim. 2:15-21:** “Lê jou daarop toe om jou beproef voor God te stel as ‘n werker wat hom nie hoef te skaam nie, wat die woord van die waarheid reg sny. Maar die onheilige, onsinnige praatjies moet jy vermy; want hulle sal al verder voortgaan in goddeloosheid, en hulle woord sal voortwoeker soos ‘n kanker, onder wie daar Himenèüs en Filètus is, wat van die waarheid afgedwaal het, omdat hulle sê dat die opstanding al plaasgevind het; en hulle keer die geloof van sommige om. Ewenwel die fondament van God staan vas met hierdie seël: Die Here ken die wat syne is; en: Laat elkeen wat die Naam van Christus noem, afstand doen van die ongeregtheid. Maar in ‘n groot huis is daar nie alleen voorwerpe van goud en silwer nie, maar ook van hout en erdewerk; en sommige tot eer, maar ander tot oneer. As iemand hom dus hiervan deeglik reining, sal hy ‘n voorwerp tot eer wees, geheilig en bruikbaar vir die Here, toeberei vir elke goeie werk.”

Heiligmaking is ‘n geestelike proses waarin beide God sowel as die mens ‘n deel het.

(Kyk ook na: 2 Kor. 6:17 en 2 Kor. 7:1.)

Volgens 2 Tim. 2:15,16 moet ons in hierdie proses van heiligmaking die woord “reg sny” en moet ons “onheilige en onsinnige praatjies” vermy.

## **3. Deur selfverloëning en die kruisiging van die ou mens in my**

Ek moet nou nie meer staan onder die heerskappy van my ou menslike natuur nie, maar onder die heerskappy van die nuwe.

Onthou, heiligmaking is ook die ontwikkeling van my nuwe goddelike natuur, en hoe meer dit ontwikkel is, hoe meer staan ek onder die heerskappy daarvan, en hoe heiliger word ek. Laat toe dat God vormingswerk in jou lewe doen. Hy is in elk geval die groot beeldhouer.

Dit word vertel van die wêreldberoemde beeldhouer Michael-Angelo dat daar een maal aan hom 'n stuk marmer gegee is wat so skeef was dat niemand anders dit wou hê nie. Dit is vir hom gegee om te kyk of hy iets daarmee kon maak. Nadat hy lank voor die rotsblok gestaan het, neem hy sy hamer en beitel en begin kap, en van daardie skewe rots maak hy die wêreldberoemde standbeeld van Dawid met sy slingervel wat vandag in Florence in Italië staan. Uit die een skewe punt kap hy die uitgestrekte arm van Dawid en uit die ander deel die voet van Dawid soos hy staan om te gooi.

As ons die dag tot bekering kom, word ons in die hand van die Heilige Gees geplaas as 'n ou skewe rotsblok, waaraan die Heilige Gees moet arbei om daaruit die beeld van Jesus Christus te voorskyn te haal. Daardie groot taak begin die oomblik wanneer Christus gesê het: "Hierdie ruwe rots is Myne – sit hom eenkant, hy is afgesonder Ek het beslag op hom gelê! Ek het hom op sy naam geroep, hy is Myne!" Van daardie oomblik af begin die Heilige Gees om aan daardie "rots" te werk. Dit bly 'n lewenslange taak. Dit bly 'n lewenslange stryd tussen die ou mens en die nuwe mens.

### **3. Heiligmaking sal plaasving as ek in die Gees sal wandel.**

Gal. 5:16: "Maar ek sê: Wandel in die Gees, dan sal julle nooit die begeerlikheid van die vlees volbring nie"

Die Lewende Bybel: "My raad aan julle is dit: Laat die Heilige Gees toe om alles te beheer wat julle doen. Dan sal julle nooit toegee aan die sondige drange van julle menslike geaardheid nie."

## Verkeerde opvattinge oor Heiligmaking

### **Heiligmaking is nie perfeksonisme nie**

Dit is 'n proses. Dit gebeur stap vir stap. Wanneer God sê in 1 Pet. 1:16: “Wees heilig want ek is heilig”. Dan bedoel Hy nie “Soos Ek Heilig is nie”. 'n Koppie water uit die see, is dieselfde as die water in die see – maar nie in hoeveelheid nie.

Selfs Paulus het gestrewe na Heiligmaking. **Lees wat in Fil. 3:12 geskrywe staan.**

### **Heiligmaking is nie om vry te wees van versoeking nie**

Jy sal vind dat hoe nader jy aan God sal lewe, hoe nader leef die duiwel aan jou. Jesus was dan ook versoek. Matt. 4; Lukas 4.

Lees ook Heb. 4:15: “Want ons het nie 'n hoëpriester wat nie met ons swakhede medelye kan hê nie, maar een wat in alle opsigte versoek is net soos ons, *maar* sonder sonde.” Alhoewel Jesus versoek was het Hy nie sonde gedoen nie.

Onthou dus: As jy versoek word het jy nog nie gesondig nie. Jy kan tog nie help as 'n kraai oor jou kop vlieg nie, maar jy kan keer dat hy in jou hare nes maak nie.

### **Heiligmaking is nie issolasie nie**

Joh. 17:15,16 (Jesus bid): “Ek bid nie dat u hulle uit die wêreld wegneem nie, maar dat u hulle van die bose bewaar. Hulle is nie van die wêreld nie, net soos Ek nie van die wêreld is nie.”

Ons is in hierdie wêreld, maar moenie toelaat dat die wêreld in u kom nie!



Heiligmaking beteken dus nie om jouself te isoleer soos 'n kluisenaar; van die res van die wêreld nie, maar dit is 'n afsondering van dit wat sleg en sondig is. In die mate waarin ons ons van die sonde onttrek en ons aan die Here toewy, word die Christus-natuur in ons ontwikkel.

### **Heiligmaking is nie net om sekere wette te hou nie**

Vir baie mense is Heiligmaking die wyse waarop jy aantrek, jou voorkoms, gebrek aan grimering en die onthouding van baie dinge.

Kol. 2:16-23: “Laat niemand julle dan oordeel in spys of in drank of met betrekking tot 'n fees of nuwemaan of sabbat nie, wat 'n skaduwee is van die toekomstige dinge; maar die liggaam behoort aan Christus. Laat niemand julle van jul prys beroof nie, al sou hy behaë hê in nederigheid en verering van die engele en indring in wat hy nie gesien het nie, en sonder oorsaak opgeblase wees deur sy vleeslike gesindheid, en nie vashou aan die Hoof nie, uit wie die hele liggaam deur die gewigte en verbindings ondersteuning ontvang en saamgebind word en so met goddelike groei grootword. As julle dan saam met Christus die eerste beginsel van die wêreld afgesterf het, waarom is julle, asof julle *nog* in die wêreld lewe, onderworpe aan insettinge soos: raak nie, smaak nie, roer nie aan nie? – Almal dinge wat deur die gebruik bestem is om te vergaan – volgens die geboorte en leringe van mense, wat, alhoewel dit 'n skyn van wysheid het, in eiesinnige goedsdiens en nederigheid en in gestrengheid teen die liggaam, geen waarde het nie, maar strek tot versadiging van die vlees. “

Weliswaar sal heiligmaking uiteindelik in 'n mens se algemene gedrag en voorkoms geopenbaar word, maar – dit is die resultaat van die werking van die Heilige Gees in 'n mens se lewe, en nie die toepassing van sekere reëls en wette nie. Heiligmaking werk van binne na buite en nie andersom nie.

## **Watter waarde het 'n lewe van Heiligmaking vir my?**

### **1. Dit sal my gereed maak om voor God te verskyn**

Heb. 12:14: “Jaag die vrede na met almal, en die Heiligmaking waarsonder niemand die Here sal sien nie;”

1 Thes. 5:23: “En mag Hy, die God van die vrede, julle volkome heilig maak, en mag julle gees n siel en liggaam geheel en al onberispelik bewaar word by die wederkoms van onse Here Jesus Christus.”

1 Joh. 2:28: “En nou, *my* kinders, bly in Hom, sodat ons vrymoedigheid kan hê wanneer Hy verskyn en nie beskaamd van Hom weggaan by sy wederkoms nie.”

### **2. 'n Heiligmakende lewe is 'n kragtige lewe.**

In 2 Kron.29: 1-5: “Jehiskia het, vyf-en-twintig jaar oud, koning geword en negen-en-twintig jaar in Jerusalem geregeer; en die naam van sy moeder was Abia, die dogter van Sagaria en hy het gedoen wat reg was in die oë van die HERE net soos sy vader Dawid gedoen het. Hy het in die eerste jaar van sy regering, in die eerste maand, die deure van die huis van die HERE oopgemaak en dit herstel, en die priesters en Leviete laar inkom en hulle versamel op die Oosplein

en vir hulle gesê: Luister na my, Leviete! Heilig julle nou, en heilig die huis van die HERE, die God van julle vaders, en bring die onreinheid uit die heiligdom uit;”

**Hiskia het almal beveel om heilig te leef !**

En in **2 Kon. 20:1-6**: word ons vertel hoe God hom gespaar het juis as gevolg van sy toegewyde lewe “in diè dae het Hiskia dodelik siek geword; en Jesaja, die seun van Amos, die profeet, het by hom gekom en vir hom gesê: So spreek die HERE: Gee bevel aan jou huis, want jy sal sterwe en nie lewe nie. Toe draai hy sy gesig na die muur, en hy het gebid tot die HERE en gesê: Ag, HERE, dink tog daaraan dat ek voor u aangesig in trou en met ‘n volkome hart gewandel het en gedoen het wat goed is in u oë. En Hiskia het bitterlik geweene. En Jesaja het die middelste voorhof nog nie uitgegaan nie of die woord van die HERE het tot hom gekom en gesê: Draai om en sê vir Hiskia, die vors van my volk: So spreek die HERE, die God van jou vader Dawid: Ek het jou gebed gehoor, Ek het jou tranes gesien; kyk, Ek sal jou gesond maak; op die derde dag sal jy opgaan na die huis van die HERE. En Ek sal vyftien jaar by jou dae byvoeg en jou en hierdie stad uit die hand van die koning van Assirië red, en ook hierdie stad beskut ter wille van My en my kneg Dawid.”

Hiskia se geheiligde lewe het soveel krag besit, dat dit God beweeg het om nog 15 jaar by sy lewe te voeg.

**Slot:** Het dit nie tyd geword om die woorde van Josua van ouds uit te roep soos dit geskrywe staan in Jos. 3:5 nie, naamlik: “Heilig julle; want môre sal die Here wonders onder julle doen”.

God is ‘n God van wonders, en Hy wil wonders vir Sy volk doen ... Maar dan moet ons onself heilig!!

# **SAAI EN MAAI**

**Gal. 6:7- 9** “Moenie dwaal nie; God laat Hom nie bespot nie; want net wat die mens saai, dit sal hy ook maai. Hy wat in sy vlees saai, sal uit die vlees verderf maai; maar Hy wat in die Gees saai, sal uit die Gees die ewige lewe maai. En laat ons nie moeg word om goed te doen nie, want op die regte tyd sal ons maai as ons nie verslap nie”.

## **WAT SÊ ONS AS ONS PRAAT VAN SAAI EN MAAI?**

*Dit is om iets wat jy het weg te gee (soos saad wat jy in die grond sit) sodat jy meer daarvan kan terugkry.*

## **ENIGE IETS WAT JY “GEE” IS “SAAD”**

- Gedagtes is Saad Ons gedagtes regeer ons lewens. Wat jy ookal gedink het tot hierdie dag het jou gemaak wat jy is. Daarom moet jou gedagtes altyd “goeie saad” wees.
- Woorde is Saad Lewe en dood is in die mag van ons tong (Spr. 18:21)
- Liefde is Saad Hoe meer liefde wat jy saai, hoe meer liefde sal jy ontvang van ander.
- Tyd is Saad Gebruik jou tyd op die regte manier en jy sal ondervind dat jy groot vreugde sal ervaar.
- Geduld is Saad Hoe meer jy geduldig is teenoor ander mense, hoe meer sal jy geduld ondervind in jou eie lewe. Dit sal jou ‘n rustige mens maak.
- Genade is Saad Wil jy weet hoekom gee ek genade aan ander ? Omdat ek baie genade nodig het.
- Geld is verseker Saad Volgens 2 Kor. 9 moet ons nie min gee nie maar in oorvloed (menende, die beste wat ek het om te gee) Wanneer ek op die wyse gee sal God vir my genoeg gee vir myself sodat ek weer genoeg sal hê om weg te gee. (2 Kor. 9:8)
- As jy ‘n “Saaier” is sal daar nooit ‘n dag in jou lewe wees wat jy niks besit nie.

- Iets wat jy reeds nou het om te gee is die sleutel tot jou voorspoed
- Indien jy vashou aan dit wat jy nou het, sal dit die meeste wees wat jy sal besit
- Wanneer jy laat los wat in jou hand is, sal God laat los wat in Sy hand is
- Gee jou Saad 'n "Naam" wanneer jy dit saai. M.a.w Vertel vir die Here waarvoor gee jy die saad.
- Elke keer wanneer jy jou saad vermeerder, dan vermeerder jou oes.
- As jy 'n nood het, saai 'n Saad. Moenie net oor jou nood bid nie.
- Wanneer die Here jou inspireer om te saai het Hy reeds 'n oes vir jou in Sy gedagte

## 1. DAAR IS 'N POSITIEWE ASOOK 'N NEGATIEWE GEDAGTE IN SAAI EN MAAI.

- As jy buite God se wil saai het jy moeilikheid. Pasop dan vir dié dag wanneer jou saailand jou sal aanklae. (Job 31:38).
- Koning Hiskia het reg gesaai in sy lewe (lees 2 Kon.18:3-6 en hy maai deur 15 jaar langer te leef – 2 Kon. 20)
- Eer jou ouers en jy maai 'n voorspoedige en lang lewe. **Ef. 6:2,3**; "Eer jou vader en jou moeder – dit is die gebod met 'n belofte – sodat dit met jou goed mag gaan en jy lank mag lewe op die aarde".

## 2. WAT JY SAAI SAL JY MAAI.

Dit is die wet van die natuur maar ook 'n wet van God se Koninkryk.

- 1) Jy maai dieselfde soort as wat jy gesaai het. Jakob bedrieg sy vader Isak en sy oom Laban bedrieg hom met Lea en Ragel.
- 2) Jy maai meer as wat jy gesaai het.
- 3) Sommige keer maai 'n mens gouer as ander tye. Wees net geduldig – **Gal. 6:9**; “En laat ons nie oeg word om goed te doen nie, want op die regte tyd sal ons maai as ons nie verslap nie”.

## VERSKILLENDE PERSONE IN DIE BYBEL WIL ONS IETS LEER OOR SAAI EN MAAI.

### ELIFAS HET JOB DIE VOLGENDE GELEER:

**Job 4:1-8**; “Toe antwoord Elifas, die Temaniet, en sê: Kyk, jy het baie mense tereggewys en slap hande versterk. Jou woorde het opgerig die wat struikel, en jy het knikkende knieë versterk. Maar nou dat dit jou oorkom, is jy moedverlore; nou dat dit jou tref, is jy verslae. (Praat God se Woord hieruit met u?) “Volgens ek gesien het: Die wat onreg ploeg en moeite saai, dié maai dit”. Job! Jy sal nie onreg maai nie – moet dus nie bekommerd wees nie.

Gaan lees maar self wat Job gemaai het in Job 41:10.

## DIE WYSE SALOMO LEER DIE VOLGENDE OOR SAAI EN MAAI.

**Pred. 11:1,6;** “Werp jou brood uit op die water, want ná verloop van baie dae sal jy dit vind. Saai jou saad in die môre, en laat teen die aand jou hand nie rus nie; want jy weet nooit watter een sal geluk nie”.

**Pred. 11:4 (In die Lewende Bybel)** “As ‘n mens wil wag totdat die wind presies reg waai, sal jy nooit so vêr kom om te saai nie; en as jy wil wag totdat die wolke heeltemal reg is, sal jy nooit oes nie.”

**DAN VOEG HY NOG BY: Spr. 19:17;** “Wie hom ontferm oor die arme, leen aan die Here”.

## JEREMIA LEER ONS OOK IETS BESONDERS OOR SAAI EN MAAI.

**Jer. 4:3;** “Want so sê die Here ... Braak vir julle ‘n braakland en saai nie onder die dorings nie”.

Kyk mooi waar jy saai! Ek saai beslis nie op sement nie! Moenie op plekke saai waar jy weet die saad geen kans het om te groei nie!

- **AS JY VREDE WIL Hê – SAAI VREDE**

**Jak. 3:18;** “En die vrug van die geregtigheid word gesaai in vrede vir die wat vrede maak”.

DIE LEWENDE BYBEL: “‘n Mens wat die vrede bevorder, is soos iemand wat die vrede saai. Die oes sal goeie dinge vir hom oplewer”.

- **WIL JY ‘N “MOOI OU-MENS” WORD?**

Kry nou die regte “saad” in die grond. Moenie dat verbittering wortel skiet in jou lewe nie. Maak baie vriende, anders gaan jy vereensaam.

- **WIL JY Hê DIT MOET GOED GAAN MET JOU KINDERS?**

Doen goed aan ander jongmense

- **EN HOE SAAI JY IN JOU HUWELIK?**

Hoe praat julle met mekaar?

ONTHOU: 'n Mens word ouer en nie jonger nie.

**Lees: 1 Pet. 3:1-7**

**PAULUS LEER OOR SAAI EN MAAI OP 'N HEEL  
ANDER VLAK, WANNEER HY PRAAT OOR DIE  
DIENSBETONING AAN DIE HEILIGES.**

Lees met aandag God se woord in 2 Kor. 9: 6 – 11

- ***Met hierdie skrif wil ek 'n sleutel in jou hand plaas wat finansiële deure sal oopsluit.***

1. KYK NA DIE OPSKRIF BOKANT 2 KOR. 8

Palestina is in drie dele verdeel, naamlik: Galilea, Samaria en Judea. Paulus soek materiële hulp vir die arm Christine in Jerusalem en omgewing! Griekeland is weer in twee dele verdeel, naamlik: Macedonië en Achaje.

2. INDIEN 'N MENS HOOFSTUK 8 EN 9 STUDEER, DAN VIND JY DIE VOLGENDE:

Dat Noord Griekeland naamlik Macedonië gegee het aan Judea terwyl hulle maar self baie arm was.

DIE LEWENDE BYBEL STEL DIT DUIDELIKER IN

**2 Kor. 8:1,2:** “Julle weet self dat hulle (Macedonië)

brandarm is, maar ten spyte hiervan was hulle vol

blydschap en baie gewillig om nog vir ander ook te gee”.



3. PAULUS MOEDIG DIE KORINTHIËRS AAN OM HUL BES  
TE GEE – SODAT HY NIE VIR HUL SKAAM SAL KRY  
NIE. **2 Kor. 9:4.**

Hy het hul tog immers 'n jaar tevore gesê om die fondse  
bymekaar te maak vir Jerusalem se Christene.(2 Kor. 8:10  
en 1 Kor. 16: 1-5).

4. EEN VAN DIE EERSTE GROOT LESSE WAT ONS HIER  
LEER IS: JY MOET GEE (JY MOET SAAI) SELFS AS DIT  
MET JOU NIE GOED GAAN NIE.

- Kyk wat gebeur in **Mark 12:41,42**; “En Jesus het reg voor  
die skatkis gaan sit en gekyk hoe die skare geld in die  
skatkis gooi. En baie rykes het veel ingegooi. En daar kom  
een arm weduwee en gooi twee geldstukkies in “dit is ‘n  
oortjie”. Jesus sê dat sy die meeste ingegooi het – want sy  
het uit haar gebrek alles gegee wat sy gehad het!
- Dink ook aan die weduwee van Sarfat.  
Sien Elia terwyl hy huisbesoek doen. Kyk hoe tree hy op!  
Nadat sy, wat sy gehad het (‘n handvol meel en ‘n bietjie  
olie) weggegee het aan Elia, lees ons die volgende in die  
Bybel:  
**1 Kon. 17:16**; “Die meel in die pot het nie opgeraak en die  
olie in die kruik nie minder geword nie”.  
GOD KAN MOS VAN ‘N BIETJIE BAIE MAAK.
- Het jy al in ‘n diens gesit dat God vir jou sê om alles te gee  
wat in jou beursie is? En wat was jou reaksie daarop?

## LEES WAT MET ISAK GEBEUR HET IN GEN. 26:1-14

- (1) Isak het gesaai in 'n tyd wanneer geen boer sou saai nie naamlik in 'n groot droogte.
- (2) Isak het skatryk geword omdat hy in opdrag van God gesaai het.
- (3) Onthou: Isak se naam beteken "Gelag" (**Gen. 21:6**). Gee met blydskap.
- (4) Hoekom het Isak 'n honderdvoudig gewen?  
Vers 12 in die Amplified Bybel gee hierdie antwoord:  
"Then Isaac sowed seed in that land, and received in the same year 100 times as much as he planted, and the Lord favoured him with blessings."  
Asseblief! Moenie jou saad opeet nie!

### 5. VOLGENS 2 KOR.8 EN 9 GLO EK DAT AS 'N MENS GELD SAAI SAL JY OOK GELD MAAI.

- Maar moet nooit uit die oog verloor dat God aan jou sal gee sodat jy meer en meer kan gee nie. (Verse 8, 10, 11).  
**2 Kor. 9:8** word in die LEWENDE BYBEL SO GESTEL:  
"God kan julle so oorlaai met Sy goedheid dat julle altyd sal hê wat julle nodig het (die teks stop nie hier nie!) – en nog baie meer as wat julle nodig het, sodat julle vir ander ook baie kan gee" **Vers 11** "God sal vir julle volop gee sodat julle volop kan weggee".
- Moet tog nooit word soos die Dooie See nie.  
Dit ontvang water van die Jordaanrivier en tog is die Dooie See sonder enige lewe, omdat dit nie weer 'n uitloop het nie.

LUISTER MOOI NA **Spr. 11:24**; “Daar is een wat ruim uitdeel en nog meer kry, en een wat terug hou meer as wat reg is, maar tot sy gebrek”.

- **KYK HOE MOET JY GEE. 2 Kor. 9:7**  
“Laat elkeen gee soos hy hom in sy hart voorneem, nie met droefheid of uit dwang nie, want God het ‘n blymoedige gewer lief”.

LEES SELF: **Ex. 25:2; Deut. 16:7; 1 Kron. 29:9;**

Toets jou eie gesindheid wanneer jy gee in die lig van bogenoemde tekse.

**As jy wil maai, wys my wat jy bereid is om te saai !**

## **“AS ‘N MENS STERWE, SAL HY WEER LEWE?”**

**Job 14:14** *“As ‘n mens sterwe, sal hy weer lewe?”*

- Wat is die waarheid aangaande die dood?
- Wat gebeur presies die oomblik as jy jou laaste asem uitblaas?
- Gaan sommige hemel toe en ander hel toe?
- Is daar iets soos reinkarnasie?
- Kan die lewende kontak maak met die dooies?

As daar ooit ‘n vraag in die hart van die mens opgeklim het, dan is dit hierdie een wat Job neergepen het in Job 14:14. Veral by die sterfbed of graf van ‘n dierbare kom al die verskillende vrae op in ons harte.

Nog ‘n vraag wat ons kan byvoeg is: “Kan ‘n dooie opgewek word?” Natuurlik kan dit gebeur. In die ou testament het dit gebeur en ons dink ook aan die persone wat Jesus opgewek het in die Nuwe Testament, soos Lasarus in Joh. 11.

Ek moes as predikant ‘n jongman van 21 jaar begrawe. Omdat ek oortuig was dat die duiwel hom “gesteel” het, het ek ‘n sterk drang gehad om die oggend voor die begrafnisdiens na AVBOB te gaan en hom op te wek. Ek was oortuig dat ek dit in die naam van die Here sou doen. Dit sou die gemeenskap “geskud” het vir God se koninkryk.

Baie versigtig is ek na AVBOB en het gevra of ek die lyk kon sien. Ek was alleen en het vir die jongman ernstig gebid, maar niks het gebeur nie.

Natuurlik kan jy besef in watter emosionele toestand ek verkeer het daarna, en dan moes ek nog met hierdie verwarring in my hart daardie middag die jongman begrawe het!

**Om terug te kom na ons vraag:**  
**“As ‘n mens sterwe, sal hy weer lewe?”**

**Daar is ‘n groep wat sê: “As ‘n mens sterwe, sal hy gewis nie weer lewe nie”**

Hulle beweer dat ‘n mens nie ‘n onsterflike siel besit nie en sterf soos ‘n dier. Maar volgens die Bybel bestaan die mens uit ‘n stoflike en ‘n geestelike deel.

**Gen. 2:7** *“En die Here God het die mens geformeer uit die stof van die aarde en in sy neus die asem van die lewe geblaas. So het die mens ‘n lewende siel geword.”*

Job het ook verwys na die twee dele waaruit die mens bestaan toe hy die volgende uitlating gemaak het *“Net sy vlees aan hom voel pyn, en sy siel in hom treur.”* **Job 14:22**

Jesus verwys ook na die stoflike asook die geestelike van die mens in **Matt. 10:28** *“En moenie vrees vir die wat die liggaam doodmaak, maar die siel nie kan doodmaak nie; maar vrees Hom liever wat die siel sowel as die liggaam kan verderwe in die hel.”*

**By die dood tree daar skeiding in tussen die stoflike (die liggaam) en die geestelike (siel en gees) van die mens.**

In **Gen. 35:18** lees ons die volgende woorde waar Ragel sterwe met die geboorte van haar baba: *“En toe haar siel uitgaan – want sy het gesterwe – noem sy hom Ben-oni. Maar sy vader het hom Benjamin genoem.”*

Die vraag is nou: Toe haar siel waar uitgaan? Natuurlik uit haar liggaam, want die siel sterf nooit, dit is net liggame wat sterf.

**Prediker 12:7** praat ook van *“die stof na die aarde terugkeer soos dit gewees het, en die gees na God terugkeer wat dit gegee het.”*

Jona het eendag uitgeroep: *“O Here, neem dan nou tog my siel van my weg, want dit is vir my beter om te sterwe as om te lewe.”* **Jona 4:3**

Ons begrawe liggame en nie siele nie!

### **Indien die liggaam en siel weer kon verenig dan sal die persoon weer leef op aarde.**

In **1 Kon. 17:17-24** lees ons waar Elia, die profeet, ‘n seun uit die dood opgewek het. ‘n Weduwee in Sarfat, waar hy tuis was, het gesterwe. Ons lees hierdie verhaal: *“Na hierdie dinge het die seun van die vrou, die eienares van die huis, siek geword; en sy siekte was baie ernstig, totdat daar geen asem in hom oorgebly het nie. (Hy het dus gesterf) Toe sê sy vir Elia: Wat het ek met u te doen, man van God! U het na my gekom om my ongeregtheid in gedagtenis te bring en my seun dood te maak! Maar hy antwoord haar: Gee jou seun vir my. En hy het hom van haar skoot af geneem en hom opgedra na die bo-kamer waar hy self gewoon het, en hom op sy bed neergelê; en hy het die Here aangeroop en gesê: Here my God, het U selfs oor die weduwee by wie ek as vreemdeling vertoef, ‘n onheil gebring deur haar seun te laat sterwe? Daarop het hy hom drie maal uitgestrek oor die kind en die Here aangeroop en gesê: Here my God, laat die siel van hierdie kind tog in hom terugkeer. En die Here het Elia verhoor; en die siel van die kind het in hom teruggekeer, sodat hy weer lewendig geword het. Daarop neem Elia die kind en bring hom af uit die bo-kamer in die huis en gee hom aan sy moeder; en Elia sê: Kyk, jou seun lewe! En die vrou sê vir Elia: Nou weet ek dit dat u ‘n man van God is en dat die woord van die Here in u mond waarheid is.”*

Dit is treffend dat die Bybel sê dat die siel van die kind in hom teruggekeer het. Iemand anders se siel kon nie in sy liggaam gekom het nie.

Dit is verder ook duidelik dat daar nie bloed oorgetap is in sy liggaam nie, wat vir ons wys dat sy siel nie in sy bloed was nie. Dit is duidelik dat sy siel iets geestelik was wat eers sy liggaam verlaat het toe hy gesterf het en weer terug gekom het nadat Elia gebid het. En die oomblik toe sy siel en liggaam weer verenig het, het hy geleef!

Waar daar in **Levitikus 17:11** en elders gepraat word van die siel van die dier wat in sy bloed is, word verwys na die lewe van die dier.

Diere besit nie onsterflike siele soos die mens nie.

**Daar is hulle (die oorweldigende meerheid) wat sê:  
“As ‘n mens sterf, sal hy gewis weer lewe”**

In Vryheid (Natal) se begrafplaas het ek die volgende woorde gelees op ‘n grafsteen: *“She lives whom we call dead.”* Dit was vir my baie treffend.

### **Dink aan die Egiptenare**

Hulle het hul dooies gebalsem en hul begrawe met voedsel en skatte. By kinders het hul speelgoed geplaas. Hoekom? Sodat wanneer hulle weer sal lewe in hul nuwe lewe, dat hulle voort kan gaan met hul lewe.

### **Die Rooi Indiane**

Hulle het hul mans met pyl en boog begrawe met die hoop dat daar lieflike jagvelde in die lewe na die graf sal wees.

**Ons glo nie so nie, maar Paulus sê in 1 Kor. 15:19** *“As ons net vir hierdie lewe op Christus hoop, dan is ons die ellendigste van all mense.”*

**“Glo jy dat die mens weer sal lewe?”**

**Daar is hulle wat sê “Ja” – maar het argumente soos:**

**(1) ‘n Mens se siel verkeer eers in ‘n sieleslaap.**

Hul sê die siel slaap in die graf tot by die opstanding!

Die volgende teks word gebruik, naamlik **Deut. 31:16** *“Toe sê die Here vir Moses: Kyk, jy ontslaap met jou vaders.”*

Moses het gesterwe, want God het hom nog self begrawe op die berg Nebo. En tog het hy saam met Elia op die berg van verheerliking aan Jesus verskyn (Matt. 17)

Dit was 1500 jaar na Moses se dood.

**Was Moses in ‘n siele-slaap?** Natuurlik nie! Want hier verskyn hy saam met Elia op die berg.

**As ons ‘n studie maak van Luk. 16 sal ons vind dat daar wel lewe na die dood is, en dat ‘n mens bewus is van jou toestand, soos wat die ryk man en Lasarus bewus was van hul toestand.**

**(2) ‘n Ander groep sê weer: Die goddelose word by hul dood totaal uitgeblus!**

Die rykman was nie uitgeblus by sy dood nie (**Luk. 16**)

Die ongehoorsames in die tyd van Noag ook nie.

Want 2400 jaar nadat hulle gesterf het in die massa water wat oor die aarde gekom het, het Jesus hulle besoek en vir hulle gepreek het. **1 Pet. 3:18-20**



## ONS BEHANDEL 'N PAAR VRAE

**As daar lewe na die graf is, is dit moontlik dat ons met hulle in aanraking kan kom?**

Die argument hier is dat koning Saul deur middel van die heks van Endor vir Samuel opgeroep het en met hom gepraat het.

Maar hoor God se Woord: **1 Kron. 10:13,14** *“En Saul het gesterwe... omdat hy die gees van 'n afgestorwene om inligting gevra het, maar die Here nie geraadpleeg het nie.”*

Samuel was opgeroep, deur die heks, maar dit was in die Ou Testament voordat Jesus opgestaan het uit die dode. Want volgens **Open. 1:17,18** besit Jesus nou die sleutels van die dood en die doderyk. Hierdie skrif lees soos volg: *“En toe ek Hom sien, val ek soos 'n dooie aan Sy voete; en Hy het Sy regterhand op my gelê en vir my gesê: Moenie vrees nie; Ek is die eerste en die laaste en die lewende; en Ek was dood en kyk, Ek leef tot in alle ewigheid. Amen. **En Ek het die sleutels van die doderyk en van die dood.**”*

INDIEN IEMAND MET DIE DODE IN AANRAKING WIL KOM MOET HY EERS DIE SLEUTELS BY JESUS KRY OM OOP TE SLUIT. JESUS SAL DIT GEWIS NIE GEE NIE!

**Kyk hoe ernstig spreek die Here Homself uit teen die volgende:**

**Lev. 20:6** *“En as 'n persoon hom begewe tot die geeste van afgestorwenes...sal Ek my aangesig teen die persoon rig en hom uitroei onder sy volk uit.”*

**Jes. 8:19** *“Moet 'n volk nie sy God raadpleeg nie; moet vir die lewendes die dooies gevra word?”*

**Lees ook Deut. 18:10-12**

**“’n Mens blaas die asem uit en – waar is hy?”  
(Job. 14:12)**

Volgens die Bybel is daar twee plekke: Die Doderyk en die Paradys!

Daar is niemand tans in die hel nie. Die volgende sal eerste daar kom:

**Open. 19:20** *“En die dier (antichis) is gevange geneem, en saam met hom die valse profeet wat die tekens in sy teenwoordigheid gedoenhet, waarmee hy hulle verlei het wat die merk van die dier ontvang het en sy beeld aanbid het. Lewend is die twee gewerp in die vuurpoel wat met swawel brand (die hel)”*

**Open. 20:10** *“En die duiwel wat hulle (die nasies) verlei het, is in die poel van vuur en swawel gewerp waar die dier en die valse profeet is; en hulle sal dag en nag gepynig word tot in alle ewigheid.”*

**Open. 20:15** *“En as dit bevind is dat iemand (dit is nou mense) nie opgeskryf was in die boek van die lewende, (m.a.w. nie Jesus aangeneem het nie) is hy in die poel van vuur gewerp.”*

**Die Paradys en Doderyk was eers bymekaar  
in die hart van die aarde**

Kyk wat belof Jesus die een roer an die kruis in **Luk. 23:43** *“En Jesus antwoord hom: Voorwaar Ek sê vir jou, vandag sal jy saam met My in die Paradys wees.”*

Volgens **Matt. 12:40** was Jesus drie dae en drie nagte in die hart van die aarde. Lees gerus ook **Num. 16:33**

**Na Jesus se opstanding is die Paradys verplaas na die derde hemel. Dit is iewers weg van die aarde af.**

**Ef. 4:8-10** *“Daarom sê Hy: Toe Hy opgevaar het in die hoogte, het Hy die gevangenis gevange geneem en gawes aan die mense gegee. Maar dit: Hy het opgevaar – wat*

*beteken dit anders as dat Hy ook eers neergedaal het in die onderste dele van die aarde? Hy wat neergedaal het, is dieselfde as Hy wat opgevaar het bokant al die hemele, sodat Hy alles tot volheid kan bring.”*

**Dan sê Paulus die volgende in 2 Kor. 12:2-4** *“Ek weet van ‘n man in Christus, veertien jaar gelede – of dit in die liggaam was, weet ek nie, of buite die liggaam, weet ek nie, God weet dit – dat so iemand weggeruk is tot in die derde hemel. En ek weet van so ‘n man – of dit in die liggaam of buite die liggaam was, weet ek nie, God weet dit – dat hy weggeruk is in die paradys.”*

Algemeen word dit aanvaar dat Paulus hier van sy eie ondervinding gepraat het wat veertien jaar tevore in Listre plaasgevind het toe hy gestenig was. Hy was doodgegooi met klippe waarna God hom weer opgewek het.

**Hand. 14:19,20**

**As u sterf (as ‘n kind van God) gaan u na die Paradys, die voorportaal van die hemel – of u (as u nie ‘n ware kind van God is nie) sal gaan na die Doderyk, die voorportaal van die ewige hel!**

Sterwe sal ons – net soos andere!

Vrees u hierdie dag? Dan is u nie reg met God nie.

**Paulus het nie die dood gevrees nie – want hy was nie alleen gered nie maar ook gereed.**

Hy kon uitroep in **Fil. 1:21** *“Want vir my is die lewe Christus en die sterwe wins.”*

**2 Kor. 5:1** *“Want ons weet dat as ons aardse tentwoning afgebreek word, ons ‘n gebou het van God, ‘n huis nie met hande gemaak nie, ewig, in die hemele.”*

**Het jy hierdie versekering wat Paulus gehad het?**

Die liededigter het dit soos volg saamgevat in die Evangelie Liedere Bundel (Lied 114)

“Waar gaan jy na die dood eens bly?  
Die vraag kom nou na jou en my,  
Antwoord my, het jy nie meer tyd?  
Waar gaan jy vir die ewigheid?  
Die ewigheid, die ewigheid,  
Waar gaan jy vir die ewigheid?”

**Jesus roep uit in Joh. 11:25** *“Ek is die Opstanding en die Lewe; wie in My glo, sal lewe al het hy ook gesterwe.”*

**Na die dood is ‘n mens bewus van jou omstandigheid.**

Ons dink hier aan die verhaal wat Jesus vertel het van die rykman en Lazarus. Albei was bewus van wat met hulle gebeur na hul dood.

Abraham het vir die rykman gesê: *“Kind onthou...”*

**Lukas 16:25**

Hulle kon dus met mekaar praat en hul geheue het nog duidelik gewerk.

In die doderyk is dit te laat om te bid!

Hier het die rykman tot Abraham gebid dat hulle iemand na sy ouerhuis moes stuur om sy vyf broers te waarsku dat hulle nie sou kom waar hy was in die plek vanpyniging nie.

**Lukas 16:27-29**

Onthou: Die mees sekerste afspraak van die mens is met die dood! Dawid het eenmaal aan Jonatan, sy vriende, gesê:

*“Maar so waar as die Here leef en jou siel leef, daar is maar net een tree tussen my en die dood.”* **1 Sam. 20:3**

En in **Prediker 8:8** lees ons: *“en niemand het mag oor die dag van die dood nie...”*

Ek weet nie wat hul eendag op jou grafsteen sal skryf nie, maar op myne kan hulle net een woord plaas, naamlik **“Vergewe”**

Op Paulus se grafsteen (as daar een was) kon hulle skryf: *“Ek het die goeie stryd gestry, ek het die wedloop voleindig, ek het die geloof behou.”* **2 Tim. 4:7**

### **Ons, as gelowiges, moet nie bang wees vir die dood nie**

Ons dood is kosbaar vir God, soos wat ons lees in **Psalm 116:15** *“Kosbaar is in die oë van die Here die dood van Sy gunsgenote.”*

**Ons is op aarde in ‘n wedloop. Daar is langafstande maar daar is ook kortafstande wat gehardloop moet word!**

**1 Kor. 9:24-26** *“Weet julle nie dat die wat op die baan hardloop, wel almal hardloop, maar dat een die prys ontvang nie? Hardloop so dat julle dit sekerlik kan behaal. (Jy neem nooit deel net om dit te geniet nie, maar om te wen. Natuurlik moet jy dit ook geniet) En elkeen wat aan ‘n wedstryd deelneem, onthou hom in alles – hulle nogal om ‘n verwelklike krans te ontvang, maar ons ‘n onverwelklike. Ek hardloop dan soos een wat nie onseker is nie...”*

- Jy sal wen as jy met oorgawe jou dagtake doen.
- Jy sal wen as jy in jou baan bly. Moenie uitbeweeg van God se beginsels in die Bybel nie.
- Moenie jouself diskwalifiseer deur verkeerd te praat en verkeerd te dink nie.

## 1 Thessalonicense 4:13-18 is 'n boodskap wat ons bemoedig

Hier skryf Paulus in bogenoemde gedeelte aan ons:

**vers 13** “...ek wil nie hê dat julle onkundig moet wees met betrekking tot die ontslapenes nie, sodat julle nie treur soos die ander wat geen hoop het nie.

**vers 14** Want as ons glo dat Jesus gesterwe en opgestaan het, dan sal God ook so die wat in Jesus ontslaap het, saam met Hom bring.

**vers 15** Want dit sê ons vir julle deur die woord van die Here, dat ons wat in die lewe oorbly tot by die wederkoms van die Here, die ontslapenes hoegenaamd nie sal voor wees nie.

**vers 16** Want die Here self sal van die hemel neerdaal met 'n geroep, met die stem van 'n aartsengel en met geklank van die basuin van God; en die wat in Christus gesterf het, sal eerste opstaan.

**vers 17** Daarna sal ons wat in die lewe oorbly, saam met hulle in wolke weggevoer word die Here tegemoet in die lug; en so sal ons altyd by die Here wees.

**vers 18** Bemoedig mekaar dan met hierdie woorde.”

### Dank God, Jesus gaan weer kom!

Hy het dit ook self duidelik gestel in **Joh. 14:1-3** “Laat julle hart nie ontsteld word nie; glo in God, glo ook in My. In die huis van My Vader is daar baie wonings; as dit nie so was nie, sou Ek dit vir julle gesê het. Ek gaan om vir julle plek te berei. En as Ek gegaan en vir julle plek berei het, kom Ek weer en sal julle na My toe neem, sodat julle ook kan wees waar Ek is.”

Jesus het die volgende verklaring gemaak by die graf van Lasarus, naamlik: “Ek is die opstanding en die lewe; wie in My glo, sal lewe al het hy ook gesterwe.” (**Joh. 11:25**)

Paulus se woorde in **1 Kor. 15:16 en 19** is treffend: *“Want as die dode nie opgewek word nie, dan is Christus nie opgewek nie... As ons net vir hierdie lewe op Christus hoop, dan is ons die ellendigste van alle mense.”*

Die boodskap van die Opstanding van Christus was die krag van die eerste kerk. Ons lees in **Hand. 4:33** *“En met groot krag het die apostels getuienis gegee van die opstanding van die Here Jesus, en groot genade was oor hulle almal.”*

**In Psalm 116:15 lees ons** *“Kosbaar is in die oë van die Here die dood van sy gunsgenote.”*

**Ek onthou hoe ek oor hierdie teks gepreek het op die 6de Oktober 1995 by die begrafnis van my moeder. Sy was 86 jaar oud toe sy gesterf het.**

Sy en my pa was op daardie stadium 40 jaar getroud en daar is twee seuns uit hul huwelik gebore. My broer George en myself. Met haar Graad 6 sertifikaat was sy 'n besondere vrou wat selfs 'n motorhawe bestuur het. Sy kon ook verf meng en was een van die beste bekwaamde persone in Pretoria wat motors kon verf. Daarby kon sy eiehandig bouwerk doen.

In 1955 het sy en my vader kragdadig tot bekering gekom. Tydens haar begrafnis kon ek met sekerheid dit uitroep dat sy 'n gunsgenoot van God is, daarom was haar dood ook kosbaar voor God. Sal jou dood ook so wees?

**Ons liggame is maar net 'n tentwoning!**

**In 2 Kor. 5:1 skryf Paulus** *“Want ons weet dat as ons aardse tentwoning afgebreek word, ons 'n gebou het van God, 'n huis nie met hande gemaak nie, ewig, in die hemele.”*

**ONS MOET NIE DIE DOOD VREES NIE!**

- Want ons het nie 'n gees van vrees nie, maar van KRAG, LIEFDE en SELFBEHEERSING (**1 Tim. 1:7**)
- Ons weet wie het die sleutels van die dood en die doderyk. Beslis nie die duiwel nie maar Jesus Christus! (**Open. 1:18**)



- Jesus het die angel van die dood verwyder, met Sy opstanding!  
Wanneer 'n by iemand gesteeke het verloor hy sy angel en kan hy nie weer iemand anders steek nie. Die dood se “angel” (dit wat seermaak) is deur Jesus verwyder. Dank God daarvoor.

### **Wat sou jy doen as jy weet jy gaan sterf?**

Sterf gaan almal, want die Bybel sê in **Heb. 9:27** dat dit vir die mens bestem is om eenmaal te sterf en daarna die oordeel. Hoe sal jy optrede wees as jy weet dat jy gaan sterf? Hoe sal jy praat met jou vrou, man en kinders? Watter goed sal jy graag aan mense wou doen? Sal jy nie graag wou regmaak met mense in jou lewe nie? Sal jy nog 'n vol lewe wou leef?

### **Wat moet my optrede wees as iemand wat ek liefhet sou sterf?**

Ek dink Dawid het vir ons 'n wonderlike voorbeeld gestel. Ons lees in die boek van **2 Samuel 12:19-23** dat die kind wat hy verwek het deur Batseba gesterf het. Hy het gehoop die kind sou leef, maar toe hy merk dat die kind dood is, was sy optrede merkwaardig. Ons lees: *“Maar toe Dawid sien dat sy dienaars onder mekaar fluister, het Dawid gemerk dat die kind dood was. En Dawid sê aan sy dienaars: Is die kind dood? En hulle antwoord: Hy is dood...Toe het Dawid van die grond **opgestaan** en hom **gewas** en **gesalf** en **ander klere aangetrek** en in die huis van die Here gegaan **en aanbid**. Daarop het hy in sy huis gekom en gevra dat hulle brood aan hom moet voorsit; **en hy het geëet.**”*



### Kom ons kyk weer hierna:

- Hy het **opgestaan**. Hy het nie net opgestaan van die grond af waar hy in rou gelê het nie, maar ook opgestaan in sy gees! Al is dit menslik nie maklik nie is dit noodsaaklik om op te staan.
- Hy het homself **gewas en gesalf**. Dit het sy gesig weer laat ophelder.
- Dawid het ook **ander klere aangetrek**. As kind van God moet ons die rouklere uittrek en ons so versorg dat ons God se beeld sal kan uitdra. Dawid het opgegaan na God se huis om Hom te **aanbid**.

# DIE UITVERKIESING

## Romeine 9

Indien 'n mens hierdie hoofstuk verkeerd verstaan kan dit wees dat jy kan dink dat daar 'n uitverkiesing is t.o.v. hulle wat hemel toe gaan en hulle wat hel toe gaan.

Ek wil dit duidelik stel dat God nie sekere mense gemaak het vir die hemel en ander vir die hel nie. Hoe mense so iets kan glo, is nie maklik om te verstaan nie.

### **God se wil is dat almal gered moet word!!**

**Joh. 3:16** *“Want so lief het God die wêreld gehad, dat Hy Sy eniggebore Seun gegee het, sodat elkeen wat in Hom glo, nie verlore mag gaan nie, maar die ewige lewe kan hê.”*

**1 Tim. 2:3,4** *“Want dit is goed en aangenaam voor God, ons Verlosser, wat wil hê dat alle mense gered word en tot kennis van die waarheid kom.”*

### **Die hel is nie gemaak vir mense nie!**

**Matt. 25:41** *“...die ewige vuur wat berei is vir die duiwel en sy engele.”*

## KOM ONS KYK NA VERSE 11 tot 18 (Romeine 9)

**Verse 13** *“...Jakob het Ek liefgehad en Esau het Ek gehaat.”*

In al die vertalings vind ons net hierdie woord, maar in die Nuwe Afrikaanse vertaling is die volgende woord bygevoeg, naamlik: *“Die besluit van God is gegrond op uitverkiesing; dit hang dus nie af van wat 'n mens doen nie, maar van Hom wat jou roep.”*

Dit is jammer dat hierdie deel bygevoeg is.

Dit is seker gedoen om 'n spesifieke siening oor die verkiesing vas te maak, om ons te laat verstaan dat ons geen keuse het

tot ons saligheid nie, en as God besluit het ons kan nie in die hemel kom nie, kan ons niks daaraan doen nie.

**Gelukkig is dit God se wil dat “alle” mense gered sal word!**

Die woord “haat” in vers 13 beteken in die oorspronklike “om minder lief te hê”

Dit behoort nie vir ons moeilik wees om dit te aanvaar nie, want natuurlik sal God die een meer liefhê wat Sy wil doen as die een wat nie Sy wil doen nie.

### **Dieselfde woord “haat” vind ons ook in Lukas 14:26**

*“As iemand na My toe kom en hy **haat** nie sy vader en moeder en vrou en kinders en broers en susters, ja, selfs ook sy eie lewe nie, kan hy my dissipel nie wees nie.”*

Hier moet jy ook die woord “haat” verstaan as “minder lief te hê” Die rede is dat God se Woord leer ons dan om ons vader en moeder te eer en ook onself lief te hê. Ek kan tog immers nie jou liefhê as ek myself haat nie?

**In Efesiërs 5:28,29 lees ons** *“Wie sy eie vrou liefhet, het homself lief; want niemand het ooit sy eie vlees gehaat nie, maar hy voed en koester dit, net soos die Here die gemeente.”*

**Wanneer jy kyk na verse 14-18, dan moet jy ingedagte hou dat hierdie deel verwys spesifiek na dit wat met Farao gebeur het in die tyd van Moses.**

As ons die volgende Skrifte lees sal ons sien dat tydens die eerste vyf plaë het Farao self sy hart verhard.

**Lees: Exodus 7:23 Ex. 8:15 Ex. 8:32 Ex. 9:7**

Eers by by die sesde plaag lees ons dat God Farao se hart verhard het! **Exodus 9:12**

As ons aanhoudend ons harte verhard kom daar ‘n tyd dat jy te vêr kan gaan en God se genade verwerp en verlore gaan!

## **Ja, in Christus is ons uitverkies.**

Die oomblik dat jy tot wedergeboorte kom, en waarlik jou lewe aan Christus oorgee, deur kom jy op 'n plek waar die Bybel praat dat jy **“In Christus is”**

Dit is dan dat jy uitverkies is in Christus!

Ons lees daarvan in:

**Efesiërs 1:3,4** *“Geseënd is die God en Vader van onse Here Jesus Christus wat ons geseën het met alle geestelike seëninge in die hemele in Christus, soos Hy ons in Hom uitverkies het voor die grondlegging van die wêreld om heilige en sonder gebrek voor Hom in liefde te wees.”*

Ja, van die begin van hierdie wêreld het God besluit dat Hy almal uitverkies het vir Homself. Jy en ek moet net besluit dat ons Sy Saligheidsplan aanvaar, deur Christus aan te neem as ons Verlosser (Johannes 1:12) en met ons hele hart ons sondes te bely (1 Johannes 1:7,9)